

कृष्ण यजुर्वेदीय तैत्तिरीय  
संहिता, पद, जटा, घन पाठः

4.4 चतुर्थकाण्डे चतुर्थः प्रश्नः - पञ्चमचिति

## **Contents**

<b>TS 4.4.1.1</b>	<b>4</b>
<b>TS 4.4.1.2</b>	<b>4</b>
<b>TS 4.4.1.3</b>	<b>5</b>
<b>TS 4.4.2.1</b>	<b>6</b>
<b>TS 4.4.2.2</b>	<b>7</b>
<b>TS 4.4.2.3</b>	<b>8</b>
<b>TS 4.4.3.1</b>	<b>9</b>
<b>TS 4.4.3.2</b>	<b>10</b>
<b>TS 4.4.3.3</b>	<b>11</b>
<b>TS 4.4.4.1</b>	<b>12</b>
<b>TS 4.4.4.2</b>	<b>13</b>
<b>TS 4.4.4.3</b>	<b>14</b>
<b>TS 4.4.4.4</b>	<b>14</b>

	2
<b>TS 4.4.4.5</b>	<b>15</b>
<b>TS 4.4.4.6</b>	<b>16</b>
<b>TS 4.4.4.7</b>	<b>17</b>
<b>TS 4.4.4.8</b>	<b>18</b>
<b>TS 4.4.5.1</b>	<b>19</b>
<b>TS 4.4.5.2</b>	<b>20</b>
<b>TS 4.4.6.1</b>	<b>21</b>
<b>TS 4.4.6.2</b>	<b>22</b>
<b>TS 4.4.7.1</b>	<b>23</b>
<b>TS 4.4.7.2</b>	<b>24</b>
<b>TS 4.4.8.1</b>	<b>25</b>
<b>TS 4.4.9.1</b>	<b>26</b>
<b>TS 4.4.10.1</b>	<b>27</b>
<b>TS 4.4.10.2</b>	<b>28</b>

<b>TS 4.4.10.3</b>	<b>29</b>
<b>TS 4.4.11.1</b>	<b>29</b>
<b>TS 4.4.11.2</b>	<b>30</b>
<b>TS 4.4.11.3</b>	<b>31</b>
<b>TS 4.4.11.4</b>	<b>32</b>
<b>TS 4.4.12.1</b>	<b>33</b>
<b>TS 4.4.12.2</b>	<b>34</b>
<b>TS 4.4.12.3</b>	<b>35</b>
<b>TS 4.4.12.4</b>	<b>36</b>
<b>TS 4.4.12.5</b>	<b>37</b>

**TS 4.4.1.1****TS 4.4.1.1****Samhita Paata**

रु॒श्मि॑र॒सि॒ क्षया॑य त्वा॒ क्षयं॑ जि॒न्व॒ प्रेति॑र॒सि॒ धर्मा॑य त्वा॒ धर्मं॑ जि॒न्वान्वि॑तिर॒सि॒ दि॒वे त्वा॒ दि॒वं जि॒न्व॒  
स॒न्धि॑र॒स्यन्त॑रि॒क्षाय॑ त्वा॒ऽन्त॑रि॒क्षं जि॒न्व॒ प्र॒ति॒धि॑र॒सि॒ पृथि॑व्यै त्वा॒ पृथि॑वीं जि॒न्व॒ वि॒ष्टभो॑ऽसि॒ वृष्ट्यै॑ त्वा॒  
वृष्टिं॑ जि॒न्व॒ प्र॒वा॑ऽस्य॒हे त्वा॑ऽह॒र्जि॑न्वा॒नु वा॑ऽसि॒ रात्रि॑यै त्वा॒ रात्रिं॑ जि॒न्वो शि॑गा॒सि॒ - [ ]

**Pada Paata**

रु॒श्मिः । अ॒सि॒ । क्षया॑य । त्वा॒ । क्षय॑म् । जि॒न्व॒ । प्रेति॑रिति॒ प्र - इतिः॑ । अ॒सि॒ ।  
धर्मा॑य । त्वा॒ । धर्म॑म् । जि॒न्व॒ । अ॒न्वि॑तिरित्य॒नु - इतिः॑ । अ॒सि॒ । दि॒वे । त्वा॒ । दि॒वम् ।  
। जि॒न्व॒ । स॒न्धिरिति॑ सं - धिः । अ॒सि॒ । अ॒न्त॑रि॒क्षाय॑ । त्वा॒ । अ॒न्त॑रि॒क्षम् । जि॒न्व॒ ।  
प्र॒ति॒धिरिति॑ प्रति॒धिः । अ॒सि॒ । पृथि॑व्यै । त्वा॒ । पृथि॑वीम् । जि॒न्व॒ । वि॒ष्टभं॑ इति॑ वि॒स्त॒भः ।  
। अ॒सि॒ । वृष्ट्यै॑ । त्वा॒ । वृष्टि॑म् । जि॒न्व॒ । प्र॒वेति॑ प्र - वा । अ॒सि॒ । अ॒हे॑ । त्वा॒ ।  
अ॒हः । जि॒न्व॒ । अ॒नु॒वेत्य॑नु - वा । अ॒सि॒ । रात्रि॑यै । त्वा॒ । रात्रि॑म् । जि॒न्व॒ । उ॒शिक॑ । अ॒सि॒ ।

**TS 4.4.1.2****TS 4.4.1.2****Samhita Paata**

वसुभ्यस्त्वा वसूञ्जिन्व प्रकेतोऽसि रुद्रेभ्यस्त्वा रुद्राञ्जिन्व सुदीतिरस्यादित्येभ्यस्त्वा ऽऽदित्याञ्जिन्वौजोऽसि  
 पितृभ्यस्त्वा पितृञ्जिन्व तन्तुरसि प्रजाभ्यस्त्वा प्रजा जिन्व पृतनाषाडसि पशुभ्यस्त्वा पशूञ्जिन्व  
 रेवदस्योषधीभ्यस्त्वौषधी-र्जिन्वाभिजिदसि युक्तग्रावेन्द्राय त्वेन्द्रं जिन्वाधिपतिरसि प्राणाय - [ ]

### Pada Paata

वसुभ्य इति वसु - भ्यः । त्वा । वसून् । जिन्व । प्रकेत इति प्र - केतः । असि । रुद्रेभ्यः ।  
 त्वा । रुद्रान् । जिन्व । सुदीतिरिति सु- दीतिः । असि । आदित्येभ्यः । त्वा । आदित्यान्  
 । जिन्व । ओजः । असि । पितृभ्य इति पितृ - भ्यः । त्वा । पितृन् । जिन्व । तन्तुः ।  
 असि । प्रजाभ्य इति प्र - जाभ्यः । त्वा । प्रजा इति प्र - जाः । जिन्व । पृतनाषाट् । असि  
 । पशुभ्य इति पशु - भ्यः । त्वा । पशून् । जिन्व । रेवत् । असि । ओषधीभ्य इत्योषधि -  
 भ्यः । त्वा । ओषधीः । जिन्व । अभिजिदित्यभि - जित् । असि । युक्तग्रावेति युक्त - ग्रावा  
 । इन्द्राय । त्वा । इन्द्रम् । जिन्व । अधिपतिरित्यधि-पतिः । असि । प्राणायेति प्र-अनाय ।

## TS 4.4.1.3

### TS 4.4.1.3

### Samhita Paata

त्वा प्राणं जिन्व यन्ताऽस्यपानाय त्वाऽपानं जिन्व सःसर्पोऽसि चक्षुषे त्वा चक्षुर्जिन्व वयोधा  
 असि श्रोत्राय त्वा श्रोत्रं जिन्व त्रिवृदसि प्रवृदसि संवृदसि विवृदसि सःरोहोऽसि नीरोहोऽसि  
 प्ररोहोऽस्यनुरोहोऽसि वसुकोऽसि वेषश्रिरसि वस्यष्टिरसि ॥

**Pada Paata**

त्वा । प्रा॒णमि॑ति॒ प्र - अ॒नम् । जि॒न्व । य॒न्ता । अ॒सि । अ॒पा॒नाये॑त्य॒प - अ॒नाय॑ । त्वा ।  
 अ॒पा॒नमि॑त्य॒प - अ॒नम् । जि॒न्व । स॒र्प॒ इति॑ सं - सर्पः । अ॒सि । चक्षु॑षे । त्वा । चक्षुः  
 । जि॒न्व । व॒यो॒धा इति॑ वयो - धाः । अ॒सि । श्रो॒त्राय॑ । त्वा । श्रो॒त्रम् । जि॒न्व । त्रि॒वृदि॑ति॒  
 त्रि - वृत् । अ॒सि । प्र॒वृदि॑ति॒ प्र - वृत् । अ॒सि । सं॒वृदि॑ति॒ सं - वृत् । अ॒सि । वि॒वृदि॑ति॒ वि  
 - वृत् । अ॒सि । स॒रो॒ह इति॑ सं - रोहः । अ॒सि । नी॒रो॒ह इति॑ निः - रोहः । अ॒सि । प्र॒रो॒ह  
 इति॑ प्र - रोहः । अ॒सि । अ॒नु॒रो॒ह इत्य॑नु - रोहः । अ॒सि । व॒सु॒कः । अ॒सि । वे॒ष॑श्चि॒रिति॑  
 वे॒ष - श्रिः । अ॒सि । व॒स्य॑ष्टिः । अ॒सि ॥

**TS 4.4.2.1****TS 4.4.2.1****Samhita Paata**

रा॒ज्य॑सि॒ प्रा॒ची दि॒ग्वस॑वस्ते दे॒वा अधि॑पतयोऽग्नि॒र॒हेती॑नां प्रति॒ध॒र्ता त्रि॒वृत् त्वा॒ स्तोमः॑ पृ॒थि॒व्याः  
 श्र॑य॒त्वाज्य॑-मु॒क्थम॑व्य॒थय॑थ॒ स्त॒भ्रातु॑ रथ॒न्तुर॑ साम् प्रति॒ष्ठित्यै॑ वि॒राड॑सि दक्षि॒णा दि॒गु॒द्रास्ते॑ दे॒वा  
 अधि॑पतय॒ इन्द्रो॑ हेती॒नां प्रति॑ध॒र्ता प॑ञ्चद॒शस्त्वा॒ स्तोमः॑ पृ॒थि॒व्याः श्र॑य॒तु प्र॒उ॒गमु॒क्थम॑व्य॒थय॑थ॒  
 स्त॒भ्रातु॑ बृ॒हथ॑ साम् प्रति॒ष्ठित्यै॑ सु॒म्राड॑सि प्र॒तीची॑ दि- [ ]

**Pada Paata**

रा॒ज्ञी । अ॒सि । प्रा॒ची । दिक् । व॒सवः॑ । ते । दे॒वाः । अधि॑पतय॒ इत्य॑धि - प॒तयः॑ । अ॒ग्निः

। हे॒ती॒नाम् । प्र॒ति॒ध॒र्ते॒ति॒ प्रति - ध॒र्ता । त्रि॒वृ॒दि॒ति॒ त्रि॒-वृ॒त् । त्वा॒ । स्तोमः॑ । पृ॒थि॒व्याम् । श्र॒य॒तु॒  
 । आ॒ज्य॑म् । उ॒क्थ॑म् । अ॒व्य॑थयत् । स्त॒भ्रा॒तु॒ । र॒थ॒न्त॒र॒मि॒ति॒ रथं - त॒रम् । सामं॑ । प्र॒ति॒ष्ठि॒त्या॒  
 इति॑ प्र॒ति॒ - स्थि॒त्यै॑ । वि॒रा॒डि॒ति॒ वि - राट् । अ॒सि॒ । द॒क्षि॒णा॒ । दिक् । रु॒द्राः । ते॒ । दे॒वाः ।  
 अ॒धि॒प॒तय॑ इत्य॒धि॒ - प॒त॒यः॑ । इन्द्रः॑ । हे॒ती॒नाम् । प्र॒ति॒ध॒र्ते॒ति॒ प्रति - ध॒र्ता । प॒ञ्च॒द॒श॒ इति॑ पञ्च -  
 द॒शः । त्वा॒ । स्तोमः॑ । पृ॒थि॒व्याम् । श्र॒य॒तु॒ । प्र॒ उ॒गम् । उ॒क्थ॑म् । अ॒व्य॑थयत् । स्त॒भ्रा॒तु॒ ।  
 बृ॒हत् । सामं॑ । प्र॒ति॒ष्ठि॒त्या॒ इति॑ प्र॒ति॒ - स्थि॒त्यै॑ । स॒म्रा॒डि॒ति॒ सं - राट् । अ॒सि॒ । प्र॒ती॒ची॑ । दिक् ।

## TS 4.4.2.2

### TS 4.4.2.2

#### Samhita Paata

गा॒दि॒त्यास्ते॑ दे॒वा अ॒धि॒प॒तयः॑ सोमो॑ हे॒ती॒नां प्र॒ति॒ध॒र्ता स॒प्त॒द॒श॒स्त्वा॒ स्तोमः॑ पृ॒थि॒व्याः॑ श्र॒य॒तु॒ म॒रु॒त्व॒ती॒य॑मु॒क्थ॒-  
 म॒व्य॑थयत् स्त॒भ्रा॒तु॒ वैरू॒पः॑ साम् प्र॒ति॒ष्ठि॒त्या॒यै स्व॒रा॒ड॒स्यु॒दी॒ची॒ दिग् विश्वे॑ ते दे॒वा अ॒धि॒प॒तयो॑ वरु॒णो  
 हे॒ती॒नाम् प्र॒ति॒ध॒र्ते॒क॒वि॒श॒ स्त्वा॒ स्तोमः॑ पृ॒थि॒व्याः॑ श्र॒य॒तु॒ निष्के॑व॒ल्य॒-मु॒क्थ॒म॒व्य॑थयत् स्त॒भ्रा॒तु॒ वैरा॒जः॑  
 साम् प्र॒ति॒ष्ठि॒त्या॒ अ॒धि॒प॒त्य॒सि बृ॒ह॒ती दि॒ङ्ग॒रु॒त॒स्ते दे॒वा अ॒धि॒प॒तयो॑ - [ ]

#### Pada Paata

आ॒दि॒त्याः । ते॒ । दे॒वाः । अ॒धि॒प॒तय॑ इत्य॒धि॒ - प॒त॒यः॑ । सोमः॑ । हे॒ती॒नाम् । प्र॒ति॒ध॒र्ते॒ति॒ प्रति  
 - ध॒र्ता । स॒प्त॒द॒श॒ इति॑ सप्त - द॒शः । त्वा॒ । स्तोमः॑ । पृ॒थि॒व्याम् । श्र॒य॒तु॒ । म॒रु॒त्व॒ती॒य॑म्  
 । उ॒क्थ॑म् । अ॒व्य॑थयत् । स्त॒भ्रा॒तु॒ । वैरू॒पम् । सामं॑ । प्र॒ति॒ष्ठि॒त्या॒ इति॑ प्र॒ति॒ - स्थि॒त्यै॑ ।



स्व॒राडि॑ति॒ स्व - राट् । अ॒सि॒ । उ॒दी॑ची । दिक् । वि॒श्वे॑ । ते । दे॒वाः । अधि॑पतय॒ इत्यधि॑ -  
 पु॒त॒यः । वरु॑णः । हे॒ती॒नाम् । प्र॒ति॒ध॒र्ते॑ति॒ प्रति - ध॒र्ता । ए॒क॒वि॒ंश॑ इत्ये॒क-वि॒ंशः । त्वा॒ ।  
 स्तोमः॑ । पृ॒थि॒व्याम् । श्र॒य॒तु । निष्के॑व॒ल्यम् । उ॒क्थ॑म् । अव्य॑थयत् । स्त॒भ्रा॒तु । वै॒रा॒जम् ।  
 साम॑ । प्र॒ति॒ष्ठि॒त्या इति॑ प्र॒ति - स्थि॒त्यै । अधि॑प॒त्नी॒त्यधि॑ - प॒त्नी । अ॒सि॒ । बृ॒ह॒ती । दिक् ।  
 म॒रुतः॑ । ते । दे॒वाः । अधि॑पतय॒ इत्यधि॑ - पु॒त॒यः ।

## TS 4.4.2.3

### TS 4.4.2.3

#### Samhita Paata

बृ॒ह॒स्पति॑र्, हे॒ती॒नां प्र॑ति॒ध॒र्ता त्रि॑णव॒त्रय॑स्त्रि॒ंशौ त्वा॒ स्तोमौ॑ पृ॒थि॒व्याꣳ श्र॑य॒तां वै॒श्वदे॒वाग्नि॑मा॒रुते॑ उ॒क्थे  
 अव्य॑थय॒न्ती स्त॒भ्री॒ताꣳ शा॒क्रर॑रै॒वते॑ साम॑नी॒ प्रति॑ष्ठि॒त्या अ॒न्तरि॑क्षा॒यर् ऋ॑ष॒यस्त्वा प्र॑थम॒जा दे॒वेषु॑ दि॒वो  
 मा॒त्र॒या वरि॑णा प्र॑थ॒न्तु वि॒ध॒र्ता चा॒यमधि॑पतिश्च॒ ते त्वा॒ सर्वे॑ स॒वि॒दा॒ना नाक॑स्य पृ॒ष्ठे सु॒वर्गे लो॒के  
 यज॑मानं च सादयन्तु ॥

#### Pada Paata

बृ॒ह॒स्पतिः॑ । हे॒ती॒नाम् । प्र॒ति॒ध॒र्ते॑ति॒ प्रति - ध॒र्ता । त्रि॑णव॒त्रय॑स्त्रि॒ंशा॒विति॑ त्रि॒णव - त्रय॑स्त्रि॒ंशौ  
 । त्वा॒ । स्तोमौ॑ । पृ॒थि॒व्याम् । श्र॒य॒ताम् । वै॒श्वदे॒वाग्नि॑मा॒रुते॑ इति॑ वै॒श्वदे॒व-अ॒ग्नि॑मा॒रुते॑ । उ॒क्थे  
 इति॑ । अव्य॑थय॒न्ती इति॑ । स्त॒भ्री॒ताम् । शा॒क्रर॑रै॒वते॑ इति॑ शा॒क्र - रै॒वते॑ । साम॑नी॒ इति॑ ।  
 प्र॒ति॒ष्ठि॒त्या इति॑ प्र॒ति - स्थि॒त्यै । अ॒न्तरि॑क्षा॒य । ऋ॑ष॒यः । त्वा॒ । प्र॒थम॑जा इति॑ प्रथम - जाः

। दे॒वेषु॑ । दि॒वः । मा॒त्र॒या । व॒रि॒णा । प्र॒थ॒न्तु । वि॒ध॒र्ते॒ति॑ वि - ध॒र्ता । च॒ । अ॒यम् ।  
अधि॑पतिरित्यधि॑-प॒तिः । च॒ । ते । त्वा॒ । सर्वे॑ । स॒वि॒दा॒ना इति॑ सं - वि॒दा॒नाः । नाक॑स्य ।  
पृ॒ष्ठे । सु॒व॒र्ग इति॑ सु॒वः - गे । लो॒के । यज॑मानम् । च॒ । सा॒द॒य॒न्तु ॥

## TS 4.4.3.1

### TS 4.4.3.1

#### Samhita Paata

अ॒यं पु॒रो ह॒रि॑केशः॒ सूर्य॑रश्मि॒स्तस्य॑ रथ॒गृ॒थ्सश्च॑ रथौ॒जाश्च॑ से॒नानि॑ ग्रा॒म॒ण्यौ पु॒ञ्जि॑क॒स्थ॒ला च॑ कृ॒त॒स्थ॒ला  
चा॑प्स॒रसौ॑ या॒तु॒धा॒ना हे॒ति॑ रक्षा॑सि॒ प्र॒हे॒ति॑ र॒यं दक्षि॑णा वि॒श्व क॑र्मा॒ तस्य॑ रथ॒स्व॒नश्च॑ रथे॑चि॒त्रश्च॑ से॒नानि॑  
ग्रा॒म॒ण्यौ मे॒न॒का च॑ सह॒ज॒न्या चा॑प्स॒रसौ॑ दु॒ङ्ण॒वः प॒श॒वो हे॒तिः पौ॒रु॒षे॒यो व॒धः प्र॒हे॒ति॑ र॒यं प॒श्चाद्  
वि॒श्वव्य॑चा॒ स्तस्य॑ रथं प्रो॒तश्चा॑-स॒म॒रथ॑श्च से॒नानि॑ ग्रा॒म॒ण्यौ प्र॒मो॒च॑न्ती चा -[ ]

#### Pada Paata

अ॒यम् । पु॒रः । ह॒रि॑केश इति॑ ह॒रि॑ - के॒शः । सूर्य॑रश्मि॒रिति॑ सूर्य॑ - र॒श्मिः । तस्य॑ । र॒थ॒गृ॒थ्स  
इति॑ रथ - गृ॒थ्सः । च॒ । रथौ॑जा इति॑ रथं - ओ॒जाः । च॒ । से॒ना॒नि॒ग्रा॒म॒ण्यो॒विति॑ से॒नानि॑ -  
ग्रा॒म॒ण्यौ । पु॒ञ्जि॑क॒स्थ॒लेति॑ पु॒ञ्जि॑क - स्थ॒ला । च॒ । कृ॒त॒स्थ॒लेति॑ कृ॒त - स्थ॒ला । च॒ । अ॒प्स॒रसौ॑  
। या॒तु॒धा॒ना इति॑ या॒तु - धा॒नाः । हे॒तिः । रक्षा॑सि॒ प्र॒हे॒ति॑रिति॑ प्र॒हे॒तिः । अ॒यम् । दक्षि॑णा  
। वि॒श्वक॑र्मेति॑ वि॒श्व - क॑र्मा॒ तस्य॑ । र॒थ॒स्व॒न इति॑ रथ - स्व॒नः । च॒ । रथे॑चि॒त्र इति॑ रथे॑  
- चि॒त्रः । च॒ । से॒ना॒नि॒ग्रा॒म॒ण्यो॒विति॑ से॒नानि॑ - ग्रा॒म॒ण्यौ । मे॒न॒का । च॒ । सह॒ज॒न्येति॑ सह -

ज॒न्या । च॒ । अ॒प्स॒रसौ॑ । द॒ङ्णवः॑ । प॒शवः॑ । हे॒तिः । पौ॒रु॒षेयः॑ । व॒धः । प्रहे॑तिरिति प्र -  
हे॒तिः । अ॒यम् । प॒श्चात् । वि॒श्वव्य॑चा इति॑ वि॒श्व - व्य॑चाः । तस्य॑ । रथ॑प्रोत॒ इति॑ रथ॑-प्रोतः ।  
च॒ । अस॑मरथ॒ इत्य॑संम - र॒थः । च॒ । से॒ना॒नि॒ग्रा॒म॒ण्या॑वि॒ति॑ से॒नानि॑ - ग्रा॒म॒ण्यौ॑ । प्र॒म्लोच॑न्तीति॑  
प्र - म्लोच॑न्ती । च॒ ।

## TS 4.4.3.2

### TS 4.4.3.2

#### Samhita Paata

नु॒म्लोच॑न्ती-चा॒प्स॒रसौ॑ स॒र्पा हे॒ति॑ व्या॒घ्राः प्रहे॑ति र॒य मु॑त्तराथ॒ संय॑द्- व॒सुस्त॑स्य॒ सेन॑जिच्च॒ सु॒षेण॑श्च  
से॒नानि॑ ग्रा॒म॒ण्यौ वि॒श्वाची॑ च घृ॒ताची॑ चा॒प्स॒रसा॒ वापो॑ हे॒ति॑ वा॒तः प्रहे॑ति र॒यमु॑पर्य॒ वाग्व॑-सु॒स्तस्य॑  
ता॒क्ष्य-श्चा॒रि॒ष्ट-ने॒मिश्च॑ से॒नानि॑ ग्रा॒म॒ण्या॑ वु॒र्वशी॑ च पू॒र्वचि॑त्तिश्चा-प्स॒रसौ॑ वि॒द्युद्धे॑तिर॒-व॒स्फूर्ज॑न् प्रहे॑ति  
स्तेभ्यो॑ नम॒स्ते नो॑ मृ॒डय॑न्तु ते यं - [ ]

#### Pada Paata

अ॒नु॒म्लोच॑न्तीत्य॑नु - म्लोच॑न्ती । च॒ । अ॒प्स॒रसौ॑ । स॒र्पाः । हे॒तिः । व्या॒घ्राः । प्रहे॑तिरिति॑ प्र  
- हे॒तिः । अ॒यम् । उ॒त्तरा॑दित्यु॒त्-तरा॑त् । स॒ंयद्व॑सुरिति॑ स॒ंयत् - व॒सुः । तस्य॑ । से॒न॒जि॒दिति॑  
से॒न-जि॒त् । च॒ । सु॒षेण॑ इति॑ सु - से॒नः । च॒ । से॒ना॒नि॒ग्रा॒म॒ण्या॑वि॒ति॑ से॒नानि॑ - ग्रा॒म॒ण्यौ॑ ।  
वि॒श्वाची॑ । च॒ । घृ॒ताची॑ । च॒ । अ॒प्स॒रसौ॑ । आ॒पः । हे॒ति॑ । वा॒तः । प्रहे॑तिरिति॑ प्र - हे॒तिः  
। अ॒यम् । उ॒परि॑ । अ॒र्वाग्व॑सुरित्य॒र्वाक् - व॒सुः । तस्य॑ । ता॒क्ष्यः । च॒ । अ॒रि॒ष्टने॒मि॒रित्य॑रि॒ष्ट

- नेमिः । च । सेनानिग्रामण्याविति सेनानि - ग्रामण्याँ । उर्वशी । च । पूर्वचित्तिरिति पूर्व - चित्तिः । च । अप्सरसौ । विद्युदिति वित् - युत् । हेतिः । अवस्फूर्जन्नित्येव - स्फूर्जन् । प्रहेतिरिति प्र - हेतिः । तेभ्यः । नमः । ते । नः । मृडयन्तु । ते । यम् ।

### TS 4.4.3.3

#### TS 4.4.3.3

#### Samhita Paata

द्विष्मो यश्च नो द्वेष्टि तं वो जंभे दधाम्यायोस्त्वा सदने सादयाम्यवत श्छायायां नमः समुद्राय नमः समुद्रस्य चक्षसे परमेष्ठी त्वा सादयतु दिवः पृष्ठे व्यचस्वतीं प्रथस्वतीं विभूमतीं प्रभूमतीं परिभूमतीं दिवं यच्छ दिवं दृष्टुं दिवं मा हिंसीर्विश्वस्मै प्राणायापानाय व्यानायोदानाय प्रतिष्ठायै चरित्राय सूर्यस्त्वाऽभि पातु मृह्या स्वस्त्या ( ) छर्दिषा शन्तमेन तया देवतयाऽङ्गिरस्वद्-ध्रुवा सीद ॥ प्रोथदश्चो न यवसे अविष्यन् यदा महः स्रवरणाद् व्यस्थीत् । आदस्य वातो अनु वाति शोचिरधं स्म ते व्रजनं कृष्णमस्ति ॥

#### Pada Paata

द्विष्मः । यः । च । नः । द्वेष्टि । तम् । वः । जंभे । दधामि । आयोः । त्वा । सदने । सादयामि । अवतः । छायायाम् । नमः । समुद्राय । नमः । समुद्रस्य । चक्षसे । परमेष्ठी । त्वा । सादयतु । दिवः । पृष्ठे । व्यचस्वतीम् । प्रथस्वतीम् । विभूमतीमिति वि - भूमतीम् । प्रभूमतीमिति प्र - भूमतीम् । परिभूमतीमिति परि - भूमतीम् । दिवम् । यच्छ । दिवम् ।

दृ॒ह । दि॒वम् । मा । हि॒सीः । वि॒श्वस्मै । प्रा॒णायेति॑ प्र - अ॒नाय॑ । अ॒पा॒नायेत्य॑प - अ॒नाय॑  
 । व्या॒नायेति॑ वि - अ॒नाय॑ । उ॒दा॒नायेत्यु॑त् - अ॒नाय॑ । प्र॒ति॒ष्ठाया॑ इति॑ प्रति - स्था॒यै । च॒रित्रा॑य  
 । सूर्यः । त्वा । अ॒भीति॑ । पा॒तु । म॒ह्या । स्व॒स्त्या ( ) । छ॒र्दिषा॑ । श॒न्तमे॑नेति॑ शं -  
 तमे॑न । तया॑ । दे॒वत॑या । अ॒ङ्गिर॒स्वत् । ध्रु॒वा । सी॒दु ॥ प्रोथ॑त् । अश्वः । न । यव॑से ।  
 अ॒विष्य॑न् । य॒दा । म॒हः । स॒र्व॒णादि॑ति॑ सं - व॒र॒णात् । व्य॒स्थादि॑ति॑ वि - अ॒स्थात् ॥ आ॒त् ।  
 अ॒स्य । वा॒तः । अ॒न्वि॒ति । वा॒ति । शो॒चिः । अध॑ । स्म । ते । व्र॒ज॒नम् । कृ॒ष्णम् । अ॒स्ति ॥

## TS 4.4.4.1

### TS 4.4.4.1

#### Samhita Paata

अ॒ग्नि॒र्मूर्धा॑ दि॒वः क॒कुत् प॑तिः पृ॒थि॒व्या अ॒यं । अ॒पा॒ रेता॑सि जि॒न्वति॑ ॥ त्वा॒म॒ग्ने पु॒ष्के॒राद॒द्वय॑थ॒र्वा  
 नि॒र॒म॒न्थ॑त् । मूर्द्धो॑ वि॒श्वस्य॑ वा॒घ॒तः ॥ अ॒य॒म॒ग्निः स॒ह॒स्रि॒णो वा॒ज॒स्य श॑ति॒न॒स्पतिः॑ । मूर्द्धा॑ क॒वी  
 र॑यी॒णां ॥ भुवो॑ य॒ज्ञस्य॑ र॒ज॒सश्च॑ ने॒ता य॒त्रा नि॒यु॒द्धिः स॒च॒से शि॒वाभिः॑ । दि॒वि मूर्द्धा॑नं दधि॒षे  
 सु॒व॒रू॒षां जि॒ह्वा॒म॒ग्ने च॒कृ॒षे ह॒व्य॒वाहं॑ ॥ अबो॑द्ध॒य॒ग्निः स॒मि॒धा ज॒ना॒नां - [ ]

#### Pada Paata

अ॒ग्निः । मूर्द्धा॑ । दि॒वः । क॒कुत् । प॑तिः । पृ॒थि॒व्याः । अ॒यम् ॥ अ॒पा॒म् । रेता॑सि ।  
 जि॒न्व॒ति ॥ त्वा॒म् । अ॒ग्ने । पु॒ष्के॒रात् । अधी॑ति । अथ॑र्वा । नि॒रि॒ति । अ॒म॒न्थ॑त् ॥ मूर्द्धः॑ ।  
 वि॒श्वस्य॑ । वा॒घ॒तः ॥ अ॒यम् । अ॒ग्निः । स॒ह॒स्रि॒णः । वा॒ज॒स्य । श॑ति॒नः । प॑तिः ॥ मूर्द्धा॑

। क॒विः । र॒यी॒णाम् ॥ भुवः॑ । य॒ज्ञस्य॑ । रज॑सः । च॒ । ने॒ता । यत्र॑ । नि॒युद्धि॑रिति॑ नि॒युत्  
- भिः॑ । सच॑से । शि॒वाभिः॑ ॥ दि॒वि । मू॒र्धा॒नम् । दु॒धिषे॑ । सु॒व॒र॒षामि॑ति॑ सु॒वः - साम् ।  
जि॒ह्वाम् । अ॒ग्ने । च॒कृ॒षे । ह॒व्य॒वा॒ह॒मि॑ति॑ ह॒व्य - वा॒हम् ॥ अ॒बा॒धि । अ॒ग्निः । स॒मि॒धे॒ति॑ सम्  
- इ॒धो॑ । ज॒ना॒नाम् ।

## TS 4.4.4.2

### TS 4.4.4.2

#### Samhita Paata

प्रति॑ धे॒नुमि॑वा य॒तीमु॑षासं॑ । य॒ह्वा इ॒व प्र॒व॒या मु॒ज्जि॑हा॒नाः प्र भा॒नवः॑ सि॒स्र॒ते ना॒क॒म॒च्छं ॥ अ॒वो॑चाम  
क॒वये॑ मे॒द्व्याय॑ वचो॑ व॒न्दारु॑ वृ॒षभा॑य॒ वृ॒ष्णे । ग॒र्वि॑ष्टि॒रो न॑म॒सा स्तो॑म॒म॒ग्नौ दि॒वीव॑ रु॒क्म॒मु॒र्व्यञ्च॑म॒श्रेत्  
॥ ज॒न॒स्य गो॑पा अ॒जनि॑ष्ट जा॒गृ॒वि॒र॒ग्निः सु॒दक्षः॑ सु॒वि॒ताय॑ न॒व्य॑से । घृ॒तप्र॑ती॒को बृ॒ह॒ता दि॒वि॒स्पृ॒शा  
द्यु॒मद्वि॑ भा॒ति भ॑र॒तेभ्यः॑ शुचिः॑ ॥ त्वा॒म॒ग्ने अ॒ङ्गि॑र॒सो - [ ]

#### Pada Paata

प्रती॑ति॒ । धे॒नुम् । इ॒व । आ॒य॒ती॒मित्या॑ - य॒तीम् । उ॒षा॑सम् ॥ य॒ह्वाः । इ॒व । प्रे॒ति॑ । व॒याम्  
। उ॒ज्जि॑हा॒ना इत्यु॑त् - जि॒हा॒नाः । प्रे॒ति॑ । भा॒नवः॑ । सि॒स्र॒ते । ना॒क॒म् । अ॒च्छं ॥ अ॒वो॑चाम  
। क॒वये॑ । मे॒द्व्याय॑ । वचः॑ । व॒न्दारु॑ । वृ॒षभा॑य॒ । वृ॒ष्णे ॥ ग॒र्वि॑ष्टि॒रः । न॑म॒सा । स्तो॑म॒म्  
। अ॒ग्नौ । दि॒वि । इ॒व । रु॒क्म॒म् । उ॒र्व्यञ्च॑म् । अ॒श्रेत् ॥ ज॒न॒स्य । गो॑पा इति॑ गो - पाः  
। अ॒जनि॑ष्ट । जा॒गृ॒विः । अ॒ग्निः । सु॒दक्ष॑ इति॑ सु - दक्षः॑ । सु॒वि॒ताय॑ । न॒व्य॑से ॥ घृ॒तप्र॑ती॒क॒  
इति॑ घृ॒त - प्र॒ती॒कः । बृ॒ह॒ता । दि॒वि॒स्पृ॒शेति॑ दि॒वि - स्पृ॒शा । द्यु॒मदि॑ति॒ द्यु - मत् । वी॒ति॑ ।

भा॒ति । भ॒र॒तेभ्यः॑ । शु॒चिः॑ ॥ त्वा॒म् । अ॒ग्ने॑ । अ॒ङ्गिर॑सः ।

## TS 4.4.4.3

### TS 4.4.4.3

#### Samhita Paata

गु॒हां हि॒तम॑न्व॒-वि॒न्द॒ञ्छि॒श्रिया॑णं॒ वने॑वने । स जा॒यसे॑ म॒थ्यमा॑नः स॒हो म॒हत् त्वा॑माहुः स॒हस॑स्पु॒त्रमा॑ङ्गिरः  
॥ य॒ज्ञस्य॑ के॒तुं प्र॑थ॒मं पु॒रोहि॑तम॒ग्निं नर॑स्त्रिष॒धस्थे॑ समि॒न्धते॑ । इ॒न्द्रेण॑ दे॒वैः स॒रथः॑ स ब॒रु॒हिषि॑  
सीद॒न्नि हो॒ता य॒जथा॑य सु॒क्रतुः॑ ॥ त्वां चि॒त्रश्र॑वस्त॒म ह॑व॒न्ते वि॒क्षु ज॒न्तवः॑ । शो॒चिष्के॑शं पु॒रुप्रि॑या॒ग्ने  
ह॒व्याय॑ वोढ॒वे ॥ स॒खायः॑ सँवः॑ स॒म्यञ्च॑मिषः॑ - [ ]

#### Pada Paata

गु॒हां । हि॒तम् । अ॒न्वि॒तिं । अ॒वि॒न्द॒न् । शि॒श्रि॒या॒णम् । वने॑व॒न इति॑ वने॑ - वने॑ ॥ सः ।  
जा॒य॒से । म॒थ्यमा॑नः । स॒हः । म॒हत् । त्वा॒म् । आ॒हुः । स॒हसः॑ । पु॒त्रम् । अ॒ङ्गिरः॑ ॥  
य॒ज्ञस्य॑ । के॒तुम् । प्र॑थ॒मम् । पु॒रोहि॑तमि॒तिं पु॒रः - हि॒तम् । अ॒ग्निम् । नरः॑ । त्रिष॒धस्थ इति॑ त्रि  
- स॒धस्थे॑ । समि॒तिं । इ॒न्ध॒ते ॥ इ॒न्द्रेण॑ । दे॒वैः । स॒रथमि॑तिं स - रथ॑म् । सः । ब॒रु॒हिषि॑  
। सीद॑त् । नी॒तिं । हो॒ता । य॒जथा॑य । सु॒क्रतु॑रि॒तिं सु - क्रतुः॑ ॥ त्वा॒म् । चि॒त्रश्र॑वस्त॒मेति॑  
चि॒त्रश्र॑वः-त॒म् । ह॑व॒न्ते । वि॒क्षु । ज॒न्तवः॑ ॥ शो॒चिष्के॑शमि॒तिं शो॒चिः - के॒शम् । पु॒रुप्रि॑येति॑  
पु॒रु - प्रि॒य । अ॒ग्ने । ह॒व्याय॑ । वोढ॒वे ॥ स॒खायः॑ । समि॒तिं । वः । स॒म्यञ्च॑म् । इष॑म् ।

**TS 4.4.4.4****TS 4.4.4.4****Samhita Paata**

स्तोमं चाग्र्यै । वरूषिष्ठाय क्षितीनामूर्जो नप्त्रे सहस्वते ॥ सःसमिद्युवसे वृषन्नग्रे विश्वान्यर्य आ  
 । इडस्पदे समिद्व्यसे स नो वसून्त्या भर ॥ एना वो अग्निं नमसोर्जो नपातमा हुवे । प्रियं  
 चेतिष्ठमरतिः स्वद्धरं विश्वस्य दूतममृतं ॥ स योजते अरुषो विश्वभोजसा स दुद्रवत् स्वाहुतः ।  
 सुब्रह्मा यज्ञः सुशमी - [ ]

**Pada Paata**

स्तोमम् । च । अग्र्यै ॥ वरूषिष्ठाय । क्षितीनाम् । ऊर्जः । नप्त्रे । सहस्वते ॥ सःसमिति  
 सम् - सम् । इत् । युवसे । वृषन्न । अग्रे । विश्वानि । अर्यः । आ ॥ इडः । पदे ।  
 समिति । इद्व्यसे । सः । नः । वसूनि । एति । भर ॥ एना । वः । अग्निम् । नमसा ।  
 ऊर्जः । नपातम् । एति । हुवे ॥ प्रियम् । चेतिष्ठम् । अरतिम् । स्वद्धरमिति सु - अद्धरम्  
 । विश्वस्य । दूतम् । अमृतम् ॥ सः । योजते । अरुषः । विश्वभोजसेति विश्व - भोजसा ।  
 सः । दुद्रवत् । स्वाहुत इति सु - आहुतः ॥ सुब्रह्मेति सु - ब्रह्मा । यज्ञः । सुशमीति सु - शमी ।



## TS 4.4.4.5

### TS 4.4.4.5

#### Samhita Paata

वसू॑नां दे॒वः रा॒धो ज॒ना॑नां ॥ उ॒दस्य॑ शो॒चिर॑स्थादा-जु॒ह्वान॑स्य मी॒दुषः॑ । उ॒द्ध॒मासो॑ अ॒रुषा॑सो  
दि॒विस्पृ॑शः स॒म॒ग्निमि॑न्ध॒ते नरः॑ ॥ अ॒ग्रे वा॒जस्य॑ गो॒म॒तु ई॒शा॑नः स॒हसो॑ य॒हो । अ॒स्मे धे॑हि  
जा॒तवे॑दो म॒हि श्र॑वः ॥ स इ॒धा॒नो वसु॑ष्क॒वि-र॒ग्निरी॑डे॒न्यो गि॒रा । रे॒वद॒स्मभ्यं॑ पु॒र्वणी॑क दी॒दिहि ॥  
क्ष॒पो रा॑ज॒न्नुत॑ त्मनाऽग्रे व॒स्तो॑रु॒तोष॑सः । स ति॑ग्मजंभ - [ ]

#### Pada Paata

वसू॑नाम् । दे॒वम् । रा॒धः । ज॒ना॑नाम् ॥ उ॒दिति॑ । अ॒स्य । शो॒चिः । अ॒स्थात् । आ॒जु॒ह्वान॑स्येत्या॑  
- जु॒ह्वान॑स्य । मी॒दुषः॑ ॥ उ॒दिति॑ । धू॒मासः॑ । अ॒रुषा॑सः । दि॒विस्पृ॑श इति॑ दि॒वि - स्पृ॑शः ।  
स॒मिति॑ । अ॒ग्निम् । इ॒न्ध॒ते । नरः॑ ॥ अ॒ग्रे । वा॒जस्य॑ । गो॒म॒तु इति॑ गो॒म॒तुः । ई॒शा॑नः ।  
स॒हसः॑ । य॒हो इति॑ ॥ अ॒स्मे इति॑ । धे॑हि । जा॒तवे॑द इति॑ जा॒त - वे॑दः । म॒हि । श्र॑वः ॥  
सः । इ॒धा॒नः । वसु॑ः । क॒विः । अ॒ग्निः । ई॒डे॒न्यः । गि॒रा ॥ रे॒वत् । अ॒स्मभ्य॑मित्य॒स्म -  
भ्य॑म् । पु॒र्वणी॑केति॑ पुरु॒अ॒नी॒क । दी॒दिहि ॥ क्ष॒पः । रा॒ज॒न् । उ॒त । त्मना॑ । अ॒ग्रे । व॒स्तोः॑  
। उ॒त । उ॒षसः॑ ॥ सः । ति॑ग्मज॒भेति॑ तिग्म - ज॒भं ।

**TS 4.4.4.6****TS 4.4.4.6****Samhita Paata**

र॒क्षसो॑ द॒ह॒ प्रति॑ ॥ आ ते॑ अ॒ग्र इ॒धीम॑हि द्यु॒मन्तं॑ दे॒वाज॑रं । यद्वा॒ स्या ते॑ पनी॒यसी॑ स॒मिद्-दी॑दय॒ति  
 द्यवी॑षः॒ स्तो॒तृभ्य॑ आ भ॑र ॥ आ ते॑ अ॒ग्र ऋ॒चा ह॒विः शु॒क्रस्य॑ ज्योतिषस्पते । सु॒श्चन्द्र॑ द॒स्म  
 वि॒श॒प॒ते ह॒व्य॒वाट् तु॒भ्यः॑ हू॒यत् इ॒षः॒ स्तो॒तृभ्य॑ आ भ॑र ॥ उ॒भे सु॑श्चन्द्र॒ सर्पि॑षो॒ दर्वी॑ श्रीणीष आ॒सनि॑  
 । उ॒तो न॒ उत् पु॑पूर्या- [ ]

**Pada Paata**

र॒क्षसः॑ । द॒ह॒ । प्र॒ति॑ ॥ ए॒ति॑ । ते॑ । अ॒ग्रे । इ॒धीम॑हि । द्यु॒मन्त॑मिति॒ द्यु - मन्त॑म् । दे॒व ।  
 अ॒ज॒र॑म् ॥ यत् । ह॒ । स्या॑ । ते॑ । पनी॒यसी॑ । स॒मिदि॑ति॒ सं - इत् । दी॒दय॑ति । द्य॒वि॑ । इ॒षम्  
 । स्तो॒तृभ्य॑ इति॒ स्तो॒तृ - भ्यः॑ । ए॒ति॑ । भ॒र ॥ ए॒ति॑ । ते॑ । अ॒ग्रे । ऋ॒चा । ह॒विः । शु॒क्रस्य॑  
 । ज्यो॒तिषः॑ । प॒ते ॥ सु॒श्चन्द्रे॑ति॒ सु-च॑न्द्र । द॒स्म । वि॒श॒प॒ते । ह॒व्य॒वाडि॑ति॒ ह॒व्य - वाट् ।  
 तु॒भ्यम् । हू॒य॒ते । इ॒षम् । स्तो॒तृभ्य॑ इति॒ स्तो॒तृ - भ्यः॑ । ए॒ति॑ । भ॒र ॥ उ॒भे इति॑ । सु॒श्चन्द्रे॑ति॒  
 सु - च॑न्द्र । सर्पि॑षः । दर्वी॑ इति॒ । श्री॒णी॒षे । आ॒सनि॑ ॥ उ॒तो इति॑ । नः॑ । उ॒दि॒ति॑ । पु॒पूर्याः॑ ।

**TS 4.4.4.7****TS 4.4.4.7****Samhita Paata**

उक्थेषु शवसस्पत् इषः स्तोतृभ्य आ भर ॥ अग्रे तमद्याश्वं न स्तोमैः क्रतुं न भद्रः हृदिस्पृशं  
 । ऋद्ध्यामां त ओहैः ॥ अधा ह्यग्रे क्रतोर्भद्रस्य दक्षस्य साधोः । रथीरः क्रतस्य बृहतो बभूथ  
 ॥ आभिष्टे अद्य गीर्भिर्गृणन्तोऽग्रे दाशेम । प्र ते दिवो न स्तनयन्ति शुष्माः ॥ एभिर्नो अर्कैर्भवां  
 नो अर्वाङ् - [ ]

**Pada Paata**

उक्थेषु । शवसः । पते । इषम् । स्तोतृभ्य इति स्तोतृ - भ्यः । एति । भर ॥ अग्रे । तम्  
 । अद्य । अश्वम् । न । स्तोमैः । क्रतुम् । न । भद्रम् । हृदिस्पृशमिति हृदि - स्पृशम् ॥  
 ऋद्ध्यामां । ते । ओहैः ॥ अध । हि । अग्रे । क्रतोः । भद्रस्य । दक्षस्य । साधोः ॥ रथीः  
 । क्रतस्य । बृहतः । बभूथ ॥ आभिः । ते । अद्य । गीर्भिः । गृणन्तः । अग्रे । दाशेम ॥  
 प्रेति । ते । दिवः । न । स्तनयन्ति । शुष्माः ॥ एभिः । नः । अर्कैः । भव । नः । अर्वाङ् ।

**TS 4.4.4.8****TS 4.4.4.8****Samhita Paata**

सुव॑र्न ज्योतिः॑ । अ॒ग्ने विश्वे॑भिः सु॒मना॑ अनी॒कैः ॥ अ॒ग्निः हो॒ता॒रं म॒न्ये दा॒स्व॒न्तं व॒सोः॑ सु॒नुः  
सह॑सो जा॒तवे॑दसं । वि॒प्रं न जा॒तवे॑दसं । य ऊ॒र्ध्व्या॑ स्व॒द्धरो दे॒वो दे॒वाच्या॑ कृ॒पा । घृ॒तस्य॑  
वि॒भ्रा॑ष्टि॒मनु॑ शु॒क्रशो॑चिष आ॒जुह्वा॑नस्य सर्पि॑षः ॥ अ॒ग्ने त्वं नो॑ अ॒न्तमः॑ । उ॒त त्रा॒ता शि॒वो भ॑व  
वरू॑थ्यः ॥ तं त्वा॑ शोचि॒ष्ठ दी॒दिवः॑ । सु॒म्नाय॑ नू॒नमी॑महे सखि॑भ्यः ॥ वसु॑र॒ग्निर्वसु॑श्रवाः ( ) ।  
अच्छा॑ नक्षि द्यु॒मत्त॑मो र॒यिं दाः॑ ॥

### Pada Paata

सुवः॑ । न । ज्योतिः॑ ॥ अ॒ग्ने । विश्वे॑भिः । सु॒मना॑ इति सु - मनाः॑ । अनी॒कैः ॥ अ॒ग्निम् ।  
हो॒ता॒रम् । म॒न्ये । दा॒स्व॒न्तम् । व॒सोः॑ । सु॒नुम् । सह॑सः । जा॒तवे॑दसमिति जा॒त - वे॒दसम्  
॥ वि॒प्रम् । न । जा॒तवे॑दसमिति जा॒त - वे॒दसम् ॥ यः । ऊ॒र्ध्व्या॑ । स्व॒द्धर इति सु -  
अ॒द्धरः॑ । दे॒वः । दे॒वाच्या॑ । कृ॒पा ॥ घृ॒तस्य॑ । वि॒भ्रा॑ष्टिमिति वि - भ्रा॑ष्टिम् । अ॒न्विति॑ ।  
शु॒क्रशो॑चिष इति शु॒क्र - शो॒चिषः॑ । आ॒जुह्वा॑नस्येत्या॑ - जुह्वा॑नस्य । सर्पि॑षः ॥ अ॒ग्ने । त्वम्  
। नः॑ । अ॒न्तमः॑ ॥ उ॒त । त्रा॒ता । शि॒वः । भ॒व । वरू॑थ्यः ॥ तम् । त्वा॑ । शोचि॒ष्ठ  
। दी॒दिवः॑ ॥ सु॒म्नाय॑ । नू॒नम् । ई॒महे॑ । सखि॑भ्य इति सखि॑ - भ्यः ॥ वसु॑ः । अ॒ग्निः ।  
वसु॑श्रवा इति वसु॑ - श्रवाः ( ) ॥ अच्छ॑ । नक्षि॑ । द्यु॒मत्त॑म इति द्यु॒मत् - तम् । र॒यिम् । दाः॑ ॥

## TS 4.4.5.1

### TS 4.4.5.1

### Samhita Paata

इन्द्रा॑ग्निभ्यां॑ त्वा स॒युजा॑ यु॒जा यु॑न॒ज्म्या॑ घा॒राभ्यां॑ तेज॑सा॒ वर्च॑सो॒ कथे॑भिः॒ स्तोमे॑भि॒ श्छन्दो॑भी॒ रय्यै॑  
पोषा॑य स॒जा॒तानां॑ म॒द्ध्यम॑स्थेया॒य मया॑ त्वा स॒युजा॑ यु॒जा यु॑न॒ज्म्य॒बां दु॒ला नित॑त्ति॒ रभ्र॑य॒न्ती  
मेघ॑य॒न्ती व॒र॒षय॑न्ती॒ चुपु॑णीका॒ नामा॑सि प्र॒जाप॑तिना॒ त्वा विश्वा॑भिर्द्वा॒भिरु॑प॒ दधामि॑ पृथि॒व्युद॑पुरम॒न्नेन॑  
वि॒ष्टा म॑नु॒ष्यास्ते॑ गो॒प्तारो॑ ऽग्निर्वि॒य॑न्तो॒ऽस्यां॑ ताम॒हं प्र॑ प॒द्ये सा॑ - [ ]

### Pada Paata

इन्द्रा॑ग्निभ्यामितीन्द्रा॑ग्नि - भ्याम् । त्वा । स॒युजेति॑ स - युजा॑ । यु॒जा । यु॒न॒ज्मि । आ॒घा॒राभ्या॑मित्या॒-  
घा॒राभ्या॑म् । तेज॑सा । वर्च॑सा । उ॒क्थेभिः॑ । स्तोमे॑भिः । छन्दो॑भिरिति छन्दः - भिः । रय्यै॑  
। पोषा॑य । स॒जा॒तानामिति॑ स-जा॒ताना॑म् । म॒द्ध्यम॑स्थेया॒येति॑ म॒द्ध्यम॑-स्थेया॒य । मया॑ । त्वा ।  
स॒युजेति॑ स-युजा॑ । यु॒जा । यु॒न॒ज्मि । अ॒बां । दु॒ला । नित॑त्ति॒रिति॑ नि - त॒त्तिः । अ॒भ्रय॑न्ती  
। मेघ॑य॒न्ती । व॒र॒षय॑न्ती । चुपु॑णीका॑ । नाम॑ । अ॒सि । प्र॒जाप॑तिनेति॑ प्र॒जा - प॑तिना॒ । त्वा  
। विश्वा॑भिः । धी॒भिः । उपेति॑ । दु॒धामि॑ । पृथि॒वी । उ॒द॒पुरमि॑त्युद - पुरम् । अ॒न्नेन॑ । वि॒ष्टा  
। म॑नु॒ष्याः । ते । गो॒प्तारः॑ । अ॒ग्निः । वि॒य॑न्त इति॑ वि - य॒त्तः । अ॒स्याम् । ताम् । अ॒हम्  
। प्रेति॑ । प॒द्ये । सा ।

## TS 4.4.5.2

### TS 4.4.5.2

### Samhita Paata

मे शर्म॑ च॒ वर्म॑ चा॒स्त्वधि॑ द्यौर॒न्तरि॑क्षं ब्रह्म॑णा वि॒ष्टा म॒रुत॑स्ते गो॒प्तारो॑ वा॒युर्वि॒य॑न्तो॒ऽस्यां॑ ताम॒हं प्र॑

प॒द्ये सा मे॒ शर्म॑ च॒ वर्म॑ चास्तु॒ द्यौरप॑राजिता॒ऽमृते॑न वि॒ष्टाऽऽदि॑त्यास्ते गो॒प्तारः॑ सूर्यो॑ वि॒यत्तो॑ऽस्यां  
ताम॒हं प्र प॑द्ये सा मे॒ शर्म॑ च॒ वर्म॑ चास्तु ॥

### Pada Paata

मे॒ । शर्म॑ । च॒ । वर्म॑ । च॒ । अ॒स्तु॒ । अधि॑द्यौरित्यधि॑ - द्यौः॑ । अ॒न्तरि॑क्षम् । ब्रह्म॑णा ।  
वि॒ष्टा । म॒रुतः॑ । ते॒ । गो॒प्तारः॑ । वा॒युः । वि॒यत्त॑ इति वि - यत्तः॑ । अ॒स्याम् । ताम् । अ॒हम्  
। प्रेति॑ । प॒द्ये । सा । मे॒ । शर्म॑ । च॒ । वर्म॑ । च॒ । अ॒स्तु॒ । द्यौः॑ । अप॑राजितेत्यप॑रा  
- जि॒ता । अ॒मृते॑न । वि॒ष्टा । आ॒दि॒त्याः । ते॒ । गो॒प्तारः॑ । सूर्यः॑ । वि॒यत्त॑ इति वि-यत्तः॑ ।  
अ॒स्याम् । ताम् । अ॒हम् । प्रेति॑ । प॒द्ये । सा । मे॒ । शर्म॑ । च॒ । वर्म॑ । च॒ । अ॒स्तु॒ ॥

## TS 4.4.6.1

### TS 4.4.6.1

### Samhita Paata

बृह॒स्पति॑स्त्वा सादयतु पृ॒थिव्याः॑ पृ॒ष्ठे ज्योति॑ष्मतीं॒ विश्व॑स्मै प्रा॒णाय॑पा॒नाय॑ विश्वं ज्योति॑र्यच्छा-  
ग्नि॒स्तेऽधि॑पति॒ विश्व॑क॑र्मा त्वा सादयत्व॒न्तरि॑क्षस्य पृ॒ष्ठे ज्योति॑ष्मतीं॒ विश्व॑स्मै प्रा॒णाय॑पा॒नाय॑ विश्वं  
ज्योति॑र्यच्छ वा॒युस्तेऽधि॑पतिः प्र॒जाप॑तिस्त्वा सादयतु दि॒वः पृ॒ष्ठे ज्योति॑ष्मतीं॒ विश्व॑स्मै प्रा॒णाय॑पा॒नाय॑  
विश्वं ज्योति॑र्यच्छ परमे॒ष्ठी तेऽधि॑पतिः पु॒रोवा॑त्सनि॒रस्य॑ भ्र॒सनि॑रसि विद्यु॒त्सनि॑ - [ ]

### Pada Paata

बृहस्पतिः । त्वा । सादयतु । पृथिव्याः । पृष्ठे । ज्योतिष्मतीम् । विश्वस्मै । प्राणायेति प्र-  
 अनाय । अपानायेत्यप - अनाय । विश्वम् । ज्योतिः । यच्छ । अग्निः । ते । अधिपतिरित्यधि-  
 - पतिः । विश्वकर्मेति विश्व - कर्मा । त्वा । सादयतु । अन्तरिक्षस्य । पृष्ठे । ज्योतिष्मतीम्  
 । विश्वस्मै । प्राणायेति प्र - अनाय । अपानायेत्यप - अनाय । विश्वम् । ज्योतिः । यच्छ  
 । वायुः । ते । अधिपतिरित्यधि - पतिः । प्रजापतिरिति प्रजा - पतिः । त्वा । सादयतु ।  
 दिवः । पृष्ठे । ज्योतिष्मतीम् । विश्वस्मै । प्राणायेति प्र - अनाय । अपानायेत्यप - अनाय  
 । विश्वम् । ज्योतिः । यच्छ । परमेष्ठी । ते । अधिपतिरित्यधि - पतिः । पुरोवातसनिरिति  
 पुरोवात - सनिः । अस्य । अभ्रसनिरित्यभ्र - सनिः । असि । विद्युत्सनिरिति विद्युत् - सनिः ।

## TS 4.4.6.2

### TS 4.4.6.2

#### Samhita Paata

-रसि स्तनयित्नुसनिरसि वृष्टिसनिरस्य-ग्रेर्यान्यसि देवानामग्रे यान्यसि वायोर्यान्यसि देवानां वायोयान्यस्यन्तरिक्षस्य  
 यान्यसि देवानां- मन्तरिक्षयान्यस्य-न्तरिक्षमस्यन्तरिक्षाय त्वा सलिलाय त्वा सर्णाकाय त्वा सतीकाय  
 त्वा केताय त्वा प्रचेतसे त्वा विवस्वते त्वा दिवस्त्वा ज्योतिष आदित्येभ्यस्त्वर्चे त्वा रुचे त्वा द्युते  
 त्वा ( ) भासे त्वा ज्योतिषे त्वा यशोदां त्वा यशसि तेजोदां त्वा तेजसि पयोदां त्वा पयसि वर्चोदां  
 त्वा वर्चसि द्रविणोदां त्वा द्रविणे सादयामि तेनर्षिणा तेन ब्रह्मणा तया देवतयाऽङ्गिरस्वद् ध्रुवा  
 सीद ॥

**Pada Paata**

अ॒सि॒ । स्त॒न॒यि॒त्नु॒स॒नि॒रि॒ति॑ स्त॒न॒यि॒त्नु॒ - स॒निः॑ । अ॒सि॒ । वृ॒ष्टि॒स॒नि॒रि॒ति॑ वृ॒ष्टि॒ - स॒निः॑ । अ॒सि॒ ।  
 । अ॒ग्नेः॑ । या॒नी॑ । अ॒सि॒ । दे॒वा॒ना॑म् । अ॒ग्ने॒या॒नी॒त्य॒ग्ने॒-या॒नी॑ । अ॒सि॒ । वा॒योः॑ । या॒नी॑ ।  
 अ॒सि॒ । दे॒वा॒ना॑म् । वा॒यो॒या॒नी॒ति॑ वा॒यो - या॒नी॑ । अ॒सि॒ । अ॒न्त॒रि॒क्ष॒स्य॑ । या॒नी॑ । अ॒सि॒ ।  
 दे॒वा॒ना॑म् । अ॒न्त॒रि॒क्ष॒या॒नी॒त्य॒न्त॒रि॒क्ष॒ - या॒नी॑ । अ॒सि॒ । अ॒न्त॒रि॒क्ष॒म् । अ॒सि॒ । अ॒न्त॒रि॒क्षा॒य॑ ।  
 त्वा॒ । स॒लि॒ला॒य॑ । त्वा॒ । स॒र्णा॑का॒य॑ । त्वा॒ । स॒ती॒का॒ये॒ति॑ स - ती॒का॒य॑ । त्वा॒ । के॒ता॒य॑ ।  
 । त्वा॒ । प्र॒चे॒त॒स॒ इति॑ प्र - चे॒त॒से॑ । त्वा॒ । वि॒व॒स्व॒ते॑ । त्वा॒ । दि॒वः॑ । त्वा॒ । ज्यो॒ति॒षे॑ ।  
 आ॒दि॒त्ये॒भ्यः॑ । त्वा॒ । ऋ॒चे॑ । त्वा॒ । रु॒चे॑ । त्वा॒ । द्यु॒ते॑ । त्वा॒ ( ) । भा॒से॑ । त्वा॒ ।  
 ज्यो॒ति॒षे॑ । त्वा॒ । य॒शो॒दा॒मि॒ति॑ य॒शः-दा॒म् । त्वा॒ । य॒श॑सि॒ । ते॒जो॒दा॒मि॒ति॑ ते॒जः - दा॒म् । त्वा॒ ।  
 । ते॒ज॑सि॒ । प॒यो॒दा॒मि॒ति॑ प॒यः - दा॒म् । त्वा॒ । प॒य॑सि॒ । व॒र्चो॒दा॒मि॒ति॑ व॒र्चः-दा॒म् । त्वा॒ । व॒र्च॑सि॒ ।  
 । द्र॒वि॒णो॒दा॒मि॒ति॑ द्र॒वि॒णः - दा॒म् । त्वा॒ । द्र॒वि॒णे॑ । सा॒द॒या॒मि॒ । ते॒न॑ । ऋ॒षि॒णा॑ । ते॒न॑ ।  
 ब्र॒ह्म॑णा॒ । त॒या॑ । दे॒व॒ता॒या॑ । अ॒ङ्गि॒र॒स्व॒त् । ध्रु॒वा॑ । सी॒दु॒ ॥

**TS 4.4.7.1****TS 4.4.7.1****Samhita Paata**

भू॒य॒स्कृ॒द॑सि॒ वरि॒व॒स्कृ॒द॑सि॒ प्रा॒च्य॑स्यू॒र्द्धा॑ऽस्य॒-न्त॒रि॒क्ष॒स॒द॑स्य॒-न्त॒रि॒क्षे॑ सी॒दा॒-फ॒सु॒ष॒द॑सि॒ श्ये॒न॒स॒द॑सि॒ गृ॒द्ध॒स॒द॑सि॒  
 सु॒पर्ण॑स॒द॑सि॒ ना॒क॒स॒द॑सि॒ पृ॒थि॒व्या॒स्त्वा॒ द्र॒वि॒णे॑ सा॒द॒या॒म्य॒-न्त॒रि॒क्ष॒स्य॑ त्वा॒ द्र॒वि॒णे॑ सा॒द॒या॒मि॒ दि॒व॒स्त्वा॒  
 द्र॒वि॒णे॑ सा॒द॒या॒मि॒ दि॒शां॑ त्वा॒ द्र॒वि॒णे॑ सा॒द॒या॒मि॒ द्र॒वि॒णो॒दां॑ त्वा॒ द्र॒वि॒णे॑ सा॒द॒या॒मि॒ प्रा॒णं॑ मे॒ पा॒ह्य॒-पा॒नं॑  
 मे॒ पा॒हि॒ व्या॒नं॑ मे॒ - [ ]



**Pada Paata**

भूयस्कृदिति भूयः - कृत् । असि । वरिवस्कृदिति वरिवः - कृत् । असि । प्राची । असि ।  
 ऊर्ध्वा । असि । अन्तरिक्षसदित्यन्तरिक्ष - सत् । असि । अन्तरिक्षे । सीद । अप्सुषदित्यप्सु  
 - सत् । असि । श्येनसदिति श्येन-सत् । असि । गृद्धसदिति गृद्ध-सत् । असि । सुपर्णसदिति  
 सुपर्ण - सत् । असि । नाकसदिति नाक - सत् । असि । पृथिव्याः । त्वा । द्रविणे ।  
 सादयामि । अन्तरिक्षस्य । त्वा । द्रविणे । सादयामि । दिवः । त्वा । द्रविणे । सादयामि  
 । दिशाम् । त्वा । द्रविणे । सादयामि । द्रविणोदामिति द्रविणः - दाम् । त्वा । द्रविणे ।  
 सादयामि । प्राणमिति प्र - अनम् । मे । पाहि । आपानमित्यप - अनम् । मे । पाहि ।  
 व्यानमिति वि - अनम् । मे ।

**TS 4.4.7.2****TS 4.4.7.2****Samhita Paata**

पाह्यायुर्मे पाहि विश्वायुर्मे पाहि सर्वायुर्मे पाह्यग्रे यत् ते परः हन्नाम् तावेहि सः रभावहै पाञ्च  
 जन्येष्वप्येद्व्यग्रे यावा अयावा एवा ऊमाः सब्दः सगरः सुमेकः ॥

**Pada Paata**

पाहि । आयुः । मे । पाहि । विश्वायुरिति विश्व-आयुः । मे । पाहि । सर्वायुरिति सर्व -

अ॒युः । मे॒ । पा॒हि । अ॒ग्रे । यत् । ते॒ । पर॑म् । ह॒त् । ना॒म । तौ । ए॒ति । इ॒हि ।  
 स॒मि॒ति । र॒भा॒व॒है । पा॒ञ्च॒ज॒न्ये॒ष्वि॒ति पा॒ञ्च - ज॒न्ये॒षु । अ॒पी॒ति । ए॒धि । अ॒ग्रे । या॒वाः ।  
 अ॒या॒वाः । ए॒वाः । ऊ॒माः । स॒ब्दः । स॒ग॒रः । सु॒मे॒क इति॑ सु - मे॒कः ॥

## TS 4.4.8.1

### TS 4.4.8.1

#### Samhita Paata

अ॒ग्नि॒नां वि॒श्वा॒षाट् सूर्ये॑ण स्व॒राट् क्र॒त्वा श॒ची॒पति॑र् ऋ॒ष॒भेण॑ त्व॒ष्टा य॒ज्ञेन॑ म॒घवा॑न् दक्षि॑णया सु॒व॒र्गो  
 म॒न्यु॒नां वृ॒त्र॒हा सौ॒हार्द्ये॑न त॒नू॒धा अ॒न्नेन॑ ग॒यः पृ॒थि॒व्याऽस॑नो दृ॒ग्भि॒र॒न्नादो॑ व॒षट्कारे॑ण॒द्धः सा॒म्नां त॒नू॒पा  
 वि॒रा॒जा ज्योति॑ष्मा॒न् ब्र॒ह्म॑णा सोम॒पा गो॒भि॒र्य॒ज्ञं दा॑धार क्ष॒त्रेण॑ म॒नु॒ष्या॒न॒श्वेन॑ च रथे॑न च व॒ज्र॒यु॒तुभिः॑  
 प्र॒भुः स॑व॒त्स॒रेण॑ परि॒भू स्त॒प॒साऽना॑धृष्टः सूर्यः सन् त॒नू॒भिः ॥

#### Pada Paata

अ॒ग्नि॒नां । वि॒श्वा॒षाट् । सूर्ये॑ण । स्व॒राडि॒ति स्व - राट् । क्र॒त्वा । श॒ची॒पतिः॑ । ऋ॒ष॒भेण॑ ।  
 त्व॒ष्टा । य॒ज्ञेन॑ । म॒घवा॑नि॒ति म॒घ॒वा॒न् । दक्षि॑णया । सु॒व॒र्ग इति॑ सु॒वः - गः । म॒न्यु॒नां ।  
 वृ॒त्र॒हेति॑ वृ॒त्र - हा । सौ॒हार्द्ये॑न । त॒नू॒धा इति॑ त॒नू - धाः । अ॒न्नेन॑ । ग॒यः । पृ॒थि॒व्या ।  
 अ॒स॒नोत् । ऋ॒ग्भि॒रित्यृक् - भिः । अ॒न्ना॒द इत्य॑न्न - अ॒दः । व॒षट्कारे॑णेति॑ व॒षट् - का॒रेण॑ ।  
 ऋ॒द्धः । सा॒म्नां । त॒नू॒पा इति॑ त॒नू - पाः । वि॒रा॒जेति॑ वि - रा॒जां । ज्योति॑ष्मा॒न् । ब्र॒ह्म॑णा  
 । सोम॒पा इति॑ सोम - पाः । गो॒भिः । य॒ज्ञम् । दा॑धा॒र । क्ष॒त्रेण॑ । म॒नु॒ष्या॒न् । अ॒श्वेन॑ ।

च । रथेन । च । वज्री । ऋतुभिरित्यृतु - भिः । प्रभुरिति प्र - भुः । सँवथ्सुरेणेति सं -  
वथ्सुरेण । परिभूरिति परि - भूः । तपसा । अनाधृष्ट इत्यना - धृष्टः । सूर्यः । सन्न । तनूभिः ॥

## TS 4.4.9.1

### TS 4.4.9.1

#### Samhita Paata

प्रजापतिर्मनसा ऽन्धोऽच्छेतो धाता दीक्षायाः सविता भृत्यां पूषा सोमक्रयण्यां वरुण उपनद्धो  
ऽसुरः क्रीयमाणो मित्रः क्रीतः शिपिविष्ट आसादितो नरंधिषः प्रोह्यमाणो ऽधिपतिरागतः प्रजापतिः  
प्रणीयमानो ऽग्निराग्नीद्धे बृहस्पतिराग्नीद्धात् प्रणीयमान इन्द्रो हविर्द्वाने ऽदितिरासादितो विष्णुरुपावहियमाणो  
ऽथर्वोपोतो यमोऽभिषुतो ऽपूतपा आधूयमानो वायुः पूयमानो मित्रः क्षीरश्रीर्मन्थी संक्तुश्रीवैश्वदेव  
उन्नीतो रुद्र ( ) आहुतो वायुरावृत्तो नृचक्षाः प्रतिख्यातो भक्ष आगतः पितृणां नाराशंसो ऽसुरात्तः  
सिन्धुर-वभृथमवप्रयन्थ संमुद्रो ऽवगतः सलिलः प्रप्लुतः सुवरुद्वचं गतः ॥

#### Pada Paata

प्रजापतिरिति प्रजा - पतिः । मनसा । अन्धः । अच्छेत इत्यच्छ - इतः । धाता । दीक्षायाम्  
। सविता । भृत्याम् । पूषा । सोमक्रयण्यामिति सोम - क्रयण्याम् । वरुणः । उपनद्ध इत्युप -  
नद्धः । असुरः । क्रीयमाणः । मित्रः । क्रीतः । शिपिविष्ट इति शिपि - विष्टः । आसादित  
इत्या - सादितः । नरंधिषः । प्रोह्यमाण इति प्र - उह्यमाणः । अधिपतिरित्यधि-पतिः । आगत  
इत्या - गतः । प्रजापतिरिति प्रजा - पतिः । प्रणीयमान इति प्र-नीयमानः । अग्निः । आग्नीद्धे

इत्याग्नि॑-इ॒द्धे । बृ॒हस्पतिः॑ । आग्नी॑द्वा॒दित्याग्नि॑ - इ॒द्धात् । प्र॒णीय॑मान॒ इति॑ प्र - नी॒यमा॑नः ।  
 इन्द्रः॑ । ह॒विर्धा॑न॒ इति॑ ह॒विः - धाने॑ । अदि॑तिः । आसा॑दित॒ इत्या - सा॑दित॒ः । विष्णुः॑ ।  
 उ॒पाव॑ह्यिमा॒ण इत्यु॑प - अ॒वह्यि॑मा॒णः । अथ॑र्वा । उ॒पौत्त॑ इत्यु॑प - उ॒त्तः । य॒मः । अ॒भिषु॑त॒  
 इत्य॑भि - सु॒तः । अ॒पूत॑पा इत्य॑पूत - पाः । आ॒धूय॑मा॒न इत्या॑ - धू॒यमा॑नः । वा॒युः । पू॒यमा॑नः  
 । मि॒त्रः । क्षी॒रश्री॑रिति॑ क्षी॒र-श्रीः । म॒न्थी । स॒क्तुश्री॑रिति॑ स॒क्तु - श्रीः । वै॒श्वदे॑व इति॑ वै॒श्व -  
 दे॒वः । उ॒न्नीत॑ इत्यु॒त - नी॒तः । रु॒द्रः ( ) । आहु॑त॒ इत्या - हु॒तः । वा॒युः । आवृ॑त्त॒ इत्या  
 - वृ॒त्तः । नृ॒चक्षा॑ इति॑ नृ - चक्षाः॑ । प्र॒तिख्या॑त॒ इति॑ प्र॒ति - ख्या॑त॒ः । भ॒क्षः । आग॑त॒ इत्या  
 - ग॒तः । पि॒तृणाम् । ना॒राश॑सः । अ॒सुः । आ॒त्तः । सि॒न्धुः । अ॒वभृ॑थमित्य॑व - भृ॒थम् ।  
 अ॒वप्र॑यन्नित्य॑व - प्र॒यन् । स॒मुद्रः । अ॒वंग॑त॒ इत्य॑व - ग॒तः । स॒लिलः । प्र॒प्लु॑त॒ इति॑ प्र - प्लु॒तः  
 । सु॒वः । उ॒दृच॑मित्यु॒त - ऋ॒चम् । ग॒तः ॥

## TS 4.4.10.1

### TS 4.4.10.1

#### Samhita Paata

कृ॒त्तिका॑ नक्ष॑त्र-म॒ग्निदे॒वता॑ऽग्ने रुचः॑ स्थ प्र॒जाप॑तेर्द्वा॒तुः सोम॑स्य॒र्चे त्वा॑ रु॒चे त्वा॑ द्यु॒ते त्वा॑ भा॒से त्वा॑  
 ज्योति॑षे त्वा रोहि॒णी नक्ष॑त्रं प्र॒जाप॑तिर्दे॒वता॑ मृ॒गशी॒रुषं॑ नक्ष॑त्रं॒ सोमो॑ दे॒वता॑ ऽऽर्द्रा॑ नक्ष॑त्रं॒ रु॒द्रो  
 दे॒वता॑ पु॒नर्व॑सू नक्ष॑त्रमदि॑तिर्दे॒वता॑- ति॒ष्यो नक्ष॑त्रं बृ॒हस्पति॑र्दे॒वता॑ ऽऽश्रे॑षा नक्ष॑त्रं॒ सर्पा॑ दे॒वता॑ म॒घा  
 नक्ष॑त्रं पि॒तरो॑ दे॒वता॑ फल्गु॑नी नक्ष॑त्र - [ ]

#### Pada Paata

कृत्तिकाः । नक्षत्रम् । अग्निः । देवता । अग्नेः । रुचः । स्थ । प्रजापतेरिति प्रजा - पतेः ।  
 धातुः । सोमस्य । ऋचे । त्वा । रुचे । त्वा । द्युते । त्वा । भासे । त्वा । ज्योतिषे । त्वा  
 । रोहिणी । नक्षत्रम् । प्रजापतेरिति प्रजा - पतिः । देवता । मृगशीर्षमिति मृग - शीर्षम् ।  
 नक्षत्रम् । सोमः । देवता । आर्द्रा । नक्षत्रम् । रुद्रः । देवता । पुनर्वसू इति पुनः - वसू ।  
 नक्षत्रम् । अदितिः । देवता । तिष्यः । नक्षत्रम् । बृहस्पतिः । देवता । आश्रेषा इत्या- श्रेषाः  
 । नक्षत्रम् । सर्पाः । देवता । मघाः । नक्षत्रम् । पितरः । देवता । फल्गुनी इति । नक्षत्रम् ।

## TS 4.4.10.2

### TS 4.4.10.2

#### Samhita Paata

-मर्यमा देवता फल्गुनी नक्षत्रं भगो देवता हस्तो नक्षत्रं सविता देवता चित्रा नक्षत्रमिन्द्रो  
 देवता स्वाती नक्षत्रं वायुदेवता विशाखे नक्षत्रमिन्द्राग्नी देवता अनूराधा नक्षत्रं मित्रो देवता रोहिणी  
 नक्षत्रमिन्द्रो देवता विचृतौ नक्षत्रं पितरो देवता ऽषाढा नक्षत्रमापो देवता ऽषाढा नक्षत्रं विश्वे देवा  
 देवता श्रोणा नक्षत्रं विष्णुदेवता श्रविष्ठा नक्षत्रं वसवो - [ ]

#### Pada Paata

अर्यमा । देवता । फल्गुनी इति । नक्षत्रम् । भगः । देवता । हस्तः । नक्षत्रम् । सविता ।  
 देवता । चित्रा । नक्षत्रम् । इन्द्रः । देवता । स्वाती । नक्षत्रम् । वायुः । देवता । विशाखे  
 इति वि - शाखे । नक्षत्रम् । इ००६छ्द्राग्नी इतीन्द्र - अग्नी । देवता । अनूराधा इत्यनु - राधाः

। नक्षत्रम् । मि॒त्रः । दे॒वता॑ । रोहि॒णी । नक्षत्रम् । इन्द्रः । दे॒वता॑ । वि॒चृता॒विति॑ वि - चृ॒ता॑  
 । नक्षत्रम् । पि॒तरः । दे॒वता॑ । अ॒षा॒ढाः । नक्षत्रम् । आपः । दे॒वता॑ । अ॒षा॒ढाः । नक्षत्रम् ।  
 वि॒श्वे । दे॒वाः । दे॒वता॑ । श्रो॒णा । नक्षत्रम् । विष्णुः । दे॒वता॑ । श्रवि॒ष्ठाः । नक्षत्रम् । वस॑वः ।

## TS 4.4.10.3

### TS 4.4.10.3

#### Samhita Paata

दे॒वता॑ श॒तभि॑ष॒ङ् नक्ष॑त्रमिन्द्रो दे॒वता॑ प्रोष्ठ॒पदा॑ नक्षत्रम॒ज एक॑पाद् दे॒वता॑ प्रोष्ठ॒पदा॑ नक्षत्रमहि॒र्बुद्धि॑यो  
 दे॒वता॑ रे॒वती॑ नक्षत्रं पू॒षा दे॒वता॑ ऽश्व॒युजौ॑ नक्षत्रम॒श्विनौ॑ दे॒वता॑ ऽप॒भर॑णी॒र्नक्ष॑त्रं य॒मो दे॒वता॑, पू॒र्णा  
 प॒श्चाद् > 1, यत् ते दे॒वा अद॑धुः > 2 ॥

#### Pada Paata

दे॒वता॑ । श॒तभि॑ष॒गिति॑ श॒त - भि॑ष॒क् । नक्ष॑त्रम् । इन्द्रः । दे॒वता॑ । प्रोष्ठ॒पदा॑ इति॑ प्रोष्ठ - प॒दाः  
 । नक्ष॑त्रम् । अ॒जः । एक॑पा॒दित्येक॑ - पा॒त् । दे॒वता॑ । प्रोष्ठ॒पदा॑ इति॑ प्रोष्ठ - प॒दाः । नक्ष॑त्रम्  
 । अहिः । बु॒द्धि॒यः । दे॒वता॑ । रे॒वती॑ । नक्ष॑त्रम् । पू॒षा । दे॒वता॑ । अ॒श्व॒युजा॒वित्य॑श्व - यु॒जौ  
 । नक्ष॑त्रम् । अ॒श्वि॒नौ । दे॒वता॑ । अ॒प॒भर॑णी॒रित्य॑प - भ॒र॑णीः । नक्ष॑त्रम् । य॒मः । दे॒वता॑ ।  
 पू॒र्णा । प॒श्चात् । यत् । ते । दे॒वाः । अद॑धुः ॥

## TS 4.4.11.1

### TS 4.4.11.1

#### Samhita Paata

मधुश्च माधवश्च वास॑न्तिकावृ॒तू शु॒क्रश्च शु॒चिश्च॑ ग्रैष्मा॑वृ॒तू नभ॑श्च नभ॒स्यश्च॑ वार॒षिका॑वृ॒तू इ॒षश्चो॒र्जश्च॑  
शा॒र॒दा॒वृ॒तू सह॑श्च सह॒स्यश्च॑ हैम॑न्तिकावृ॒तू तप॑श्च तप॒स्यश्च॑ शै॒शिरा॑वृ॒तू अ॒ग्नेर॑न्तः श्ले॒षोऽसि॑ कल्पे॑तां  
द्यावा॑पृथि॒वी कल्प॑न्ता॒माप॑ ओष॑धीः कल्प॑न्ता॒म॒ग्रय॑ः पृथ॑ङ्म॒म ज्यैष्ठ्य॑य॒ स॒व॒ता- [ ]

#### Pada Paata

मधुः । च । माधवः । च । वास॑न्तिकौ । ऋ॒तू इति॑ । शु॒क्रः । च । शु॒चिः । च ।  
ग्रैष्मा॑ । ऋ॒तू इति॑ । नभः । च । न॒भ॒स्यः । च । वार॒षिकौ । ऋ॒तू इति॑ । इ॒षः ।  
च । ऊ॒र्जः । च । शा॒र॒दौ । ऋ॒तू इति॑ । सहः । च । सह॒स्यः । च । हैम॑न्तिकौ ।  
ऋ॒तू इति॑ । तपः । च । तप॒स्यः । च । शै॒शिरौ । ऋ॒तू इति॑ । अ॒ग्नेः । अ॒न्तःश्ले॒ष  
इत्य॑न्तः - श्ले॒षः । अ॒सि । कल्पे॑ताम् । द्यावा॑पृथि॒वी इति॑ द्यावा॑ - पृथि॒वी । कल्प॑न्ताम् ।  
आपः । ओष॑धीः । कल्प॑न्ताम् । अ॒ग्रयः । पृथ॑क् । म॒म । ज्यैष्ठ्य॑य । स॒व॒ता इति॑ स॒व॒ताः ।

## TS 4.4.11.2

### TS 4.4.11.2

#### Samhita Paata

येऽग्रयः॑ सम॑नसोऽन्तरा॑ द्यावा॑पृथि॒वी शै॑शिरावृ॒तू अ॒भि कल्प॑माना॒ इन्द्र॑मिव दे॒वा अ॒भि संवि॑शन्तु  
 संय॑च्च प्रचे॑ताश्चा॒ग्नेः सोम॑स्य॒ सूर्य॑स्यो॒-ग्रा च॑ भी॒मा च॑ पि॒तृणां॑ य॒मस्येन्द्र॑स्य ध्रु॒वा च॑ पृथि॒वी च॑  
 दे॒वस्य॑ सवि॒तुर्म॑रुतां॒ वरु॑णस्य ध॒र्त्री च॑ धरि॑त्री च मि॒त्रावरु॑णयो मि॒त्रस्य॑ धा॒तुः प्राची॑ च प्र॒तीची॑ च॒  
 वसू॑नां रु॒द्राणां॑ - [ ]

### Pada Paata

ये । अ॒ग्रयः॑ । सम॑नस॒ इति॑ स - म॒नसुः॑ । अ॒न्तरा॑ । द्यावा॑पृथि॒वी इति॑ द्यावा॑ - पृथि॒वी ।  
 शै॑शिरौ । ऋ॒तू इति॑ । अ॒भीति॑ । कल्प॑मानाः । इन्द्र॑म् । इ॒व । दे॒वाः । अ॒भि । समि॑ति  
 । वि॒शन्तु॑ । संय॑दिति॑ सं - यत् । च॒ । प्रचे॑ता॒ इति॑ प्र - चे॒ताः । च॒ । अ॒ग्नेः । सोम॑स्य  
 । सूर्य॑स्य । उ॒ग्रा । च॒ । भी॒मा । च॒ । पि॒तृणाम् । य॒मस्य॑ । इन्द्र॑स्य । ध्रु॒वा । च॒ ।  
 पृथि॒वी । च॒ । दे॒वस्य॑ । सवि॒तुः । म॒रुता॑म् । वरु॑णस्य । ध॒र्त्री । च॒ । धरि॑त्री । च॒ ।  
 मि॒त्रावरु॑णयो॒रिति॑ मि॒त्रा - वरु॑णयोः । मि॒त्रस्य॑ । धा॒तुः । प्राची॑ । च॒ । प्र॒तीची॑ । च॒ ।  
 वसू॑नाम् । रु॒द्राणां॑ ।

## TS 4.4.11.3

### TS 4.4.11.3

### Samhita Paata

-मादित्यानां॑ ते तेऽधि॑पतय॒स्तेभ्यो॑ नम॒स्ते नो॑ मृडयन्तु ते यं द्वि॒ष्मो यश्च॑ नो॒ द्वेष्टि॑ तं॒ वो ज॑भे दधामि



स॒हस्र॑स्य प्र॒मा अ॑सि स॒हस्र॑स्य प्र॒तिमा॑ अ॑सि स॒हस्र॑स्य वि॒मा अ॑सि स॒हस्र॑स्योन्मा॑ अ॑सि सा॒हस्रो॑ऽसि  
स॒हस्रा॑य त्वे॒मा मे॑ अ॒ग्र इष्ट॑का धे॒नवः॑ स॒न्त्वेका॑ च श॒तं च॑ स॒हस्रं॑ चा॒युतं॑ च - [ ]

### Pada Paata

अ॒दि॒त्याना॑म् । ते । ते । अधि॑पतय॒ इत्यधि॑-प॒तयः॑ । तेभ्यः॑ । नमः॑ । ते । नः॑ । मृ॒डय॑न्तु  
। ते । यम् । द्वि॒ष्मः । यः । च । नः॑ । द्वेष्टि॑ । तम् । वः॑ । ज॒भै । दु॒धामि॑ । स॒हस्र॑स्य  
। प्र॒मेति॑ प्र - मा । अ॒सि । स॒हस्र॑स्य । प्र॒तिमेति॑ प्रति - मा । अ॒सि । स॒हस्र॑स्य । वि॒मेति॑ वि  
- मा । अ॒सि । स॒हस्र॑स्य । उ॒न्मेत्यु॑त् - मा । अ॒सि । सा॒हस्रः॑ । अ॒सि । स॒हस्रा॑य । त्वा  
। इ॒माः । मे॑ । अ॒ग्रे । इष्ट॑काः । धे॒नवः॑ । स॒न्तु । एका॑ । च । श॒तम् । च । स॒हस्र॑म्  
। च । अ॒युत॑म् । च ।

## TS 4.4.11.4

### TS 4.4.11.4

### Samhita Paata

नि॒युतं॑ च प्र॒युतं॑ चा॒र्बुदं॑ च न्य॒र्बुदं॑ च स॒मुद्र॑श्च म॒द्वयं॑ चान्तं॑श्च प॒रार्द्ध॑श्चे॒मा मे॑ अ॒ग्र इष्ट॑का धे॒नवः॑ स॒न्तु  
ष॒ष्टिः स॒हस्र॑म॒युत॑-म॒क्षीय॑माणा ऋ॒त॒स्था स्थ॑र्तावृ॒धो घृ॒तश्चु॒तो म॒धुश्चु॒त ऊ॒र्ज॑स्वतीः स्व॒धावि॑नी॒स्ता मे॑  
अ॒ग्र इष्ट॑का धे॒नवः॑ स॒न्तु वि॒राजो॑ नाम॑ का॒म॒दुघा॑ अ॒मुत्रा॑मु॒ष्मिन् लो॒के ॥

### Pada Paata

नियु॒तमि॒ति॒ नि - यु॒तम् । च॒ । प्र॒यु॒तमि॒ति॒ प्र-यु॒तम् । च॒ । अ॒र्बु॒दम् । च॒ । न्य॒र्बु॒दमि॒ति॒ नि  
 - अ॒र्बु॒दम् । च॒ । स॒मु॒द्रः । च॒ । म॒द्वय॑म् । च॒ । अ॒न्तः । च॒ । प॒रा॒र्ध इति॑ पर- अ॒र्धः  
 । च॒ । इ॒माः । मे॒ । अ॒ग्ने॒ । इ॒ष्टकाः॑ । धे॒नवः॑ । स॒न्तु । ष॒ष्टिः । स॒हस्र॑म् । अ॒यु॒तम् ।  
 अक्षी॑यमाणाः । ऋ॒त॒स्था इत्यृ॑त - स्थाः । स्थ॒ । ऋ॒ता॒वृ॒ध इत्यृ॑त - वृ॒धः । घृ॒त॒श्रु॒त इति॑ घृ॒त  
 - श्रु॒तः । म॒धु॒श्रु॒त इति॑ म॒धु - श्रु॒तः । ऊ॒र्ज॑स्वतीः । स्व॒धा॒विनी॑रिति॒ स्व॒धा - विनीः॑ । ताः ।  
 मे॒ । अ॒ग्ने॒ । इ॒ष्टकाः॑ । धे॒नवः॑ । स॒न्तु । वि॒राज॑ इति॒ वि - राजः॑ । नाम॑ । का॒म॒दु॒घा इति॑  
 काम - दु॒घाः॑ । अ॒मु॒त्र । अ॒मुष्मि॑न् । लो॒के ॥

## TS 4.4.12.1

### TS 4.4.12.1

#### Samhita Paata

स॒मिद्-दि॒शामा॑शया॒ नः सु॒र्विन्म॑धोरतो॒ माध॑वः पा॒त्वस्मा॑न् । अ॒ग्नि॒र्दे॒वो दु॒ष्टरी॑तुरदा॒भ्य इ॒दं क्ष॑त्रः  
 र॑क्षतु पा॒त्वस्मा॑न् ॥ र॒थ॒न्त॒रः॑ सा॒मभिः॑ पा॒त्वस्मा॑न् गा॒यत्री॑ छ॒न्दसां॑ वि॒श्वरू॑पा । त्रि॒वृ॒न्नो वि॑ष्ठया  
 स्तो॒मो अ॒ह्नाः॑ स॒मु॒द्रो वा॑त इ॒दमो॑जः पि॒प॒र्तु ॥ उ॒ग्रा दि॒शाम॑भि-भू॒तिर्वयो॑धाः शु॒चिः शु॒क्रे अ॒ह॒न्यो॒ज॒सीना॑  
 । इन्द्रा॑धि॒पतिः॑ पि॒पृ॒ता॒दतो॑ नो॒ महि॑ - [ ]

#### Pada Paata

स॒मि॒दि॒ति॒ सम् - इ॒त् । दि॒शाम् । आ॒शया॑ । नः॒ । सु॒र्वि॒दि॒ति॒ सु॒वः - वि॒त् । म॒धोः॑ । अ॒तः॑

। मा॒ध॒वः । पा॒तु । अ॒स्मान् ॥ अ॒ग्निः । दे॒वः । दु॒ष्टरी॑तुः । अ॒दा॑भ्यः । इ॒दम् । क्ष॒त्रम् ।  
 । र॒क्ष॒तु । पा॒तु । अ॒स्मान् ॥ र॒थ॒न्त॒रमि॑ति रथं - त॒रम् । सा॒मंभि॑रिति सा॒मं - भिः । पा॒तु  
 । अ॒स्मान् । गा॒य॒त्री । छ॒न्द॑साम् । वि॒श्वरू॑पेति वि॒श्व - रू॒पा ॥ त्रि॒वृदि॑ति त्रि॒वृत् । नः ।  
 वि॒ष्टये॑ति वि - स्थ॒याँ । स्तो॒मः । अ॒ह्ना॑म् । स॒मु॒द्रः । वा॒तः । इ॒दम् । ओ॒जः । पि॒प॒र्तु  
 ॥ उ॒ग्रा । दि॒शाम् । अ॒भिभू॑तिरित्य॒भि - भू॒तिः । व॒यो॒धा इति॑ वयः- धाः । शु॒चिः । शु॒क्रे  
 । अ॒ह॒नि । ओ॒ज॒सीनाँ ॥ इ॒न्द्र । अधि॑पतिरित्य॒धि - प॒तिः । पि॒पृ॒तात् । अ॒तः । नः । म॒हि ।

## TS 4.4.12.2

### TS 4.4.12.2

#### Samhita Paata

क्ष॒त्रं वि॒श्वतो॑ धा॒रये॑दं ॥ बृ॒हत् सा॒मं क्ष॒त्रभृ॑द्-वृ॒द्ध वृ॑ष्णियं त्रि॒ष्टुभौ॑जः शु॒भित॑ मु॒ग्रवी॑रं । इ॒न्द्र  
 स्तो॒मेन॑ प॒ञ्चद॑शेन॒ म॒द्ध्य॑मि॒दं वा॑तेन॒ सग॑रेण र॒क्ष ॥ प्रा॒ची दि॒शाः स॒हय॑शा॒ यश॑स्वती॒ विश्वे॑ दे॒वाः  
 प्रा॒वृषा॑ ऽह्नाः सु॒वर्व॑ती । इ॒दं क्ष॒त्रं दु॒ष्टर॑म॒स्त्वो॒जो ऽना॑धृष्टः स॒हस्रि॑यः स॒हस्व॑त् ॥ वै॒रू॒पे सा॒मन्नि॑ह  
 तच्छ॑केम॒ जग॑त्यैनं वि॒क्ष्वा वे॑शयामः । विश्वे॑ दे॒वाः सप्त॑द॒शेन॑ - [ ]

#### Pada Paata

क्ष॒त्रम् । वि॒श्वतः॑ । धा॒र॒य । इ॒दम् ॥ बृ॒हत् । सा॒मं । क्ष॒त्रभृ॑दिति क्ष॒त्र - भृ॒त् । वृ॒द्धवृ॑ष्णिय॒मिति॑  
 वृ॒द्ध-वृ॑ष्णिय॒म् । त्रि॒ष्टुभौ॑ । ओ॒जः । शु॒भित॑म् । उ॒ग्रवी॑र॒मित्यु॒ग्र - वी॒रम् ॥ इ॒न्द्र । स्तो॒मेन॑ ।  
 प॒ञ्चद॑शेनेति प॒ञ्च - द॒शेन॑ । म॒द्ध्य॑म् । इ॒दम् । वा॑तेन । सग॑रेण । र॒क्ष ॥ प्रा॒ची । दि॒शाम्

। सह॑य॒शा इति॑ सह - य॒शाः । यश॑स्वती । विश्वे॑ । दे॒वाः । प्रा॒वृषा॑ । अ॒ह्नाम् । सु॒व॑र्वतीति॒  
 सु॒वः - व॒ती ॥ इ॒दम् । क्ष॒त्रम् । दु॒ष्ट॑रम् । अ॒स्तु । ओजः॑ । अ॒ना॑धृष्ट॒मित्य॑ना॑ - धृष्ट॑म् ।  
 सह॒स्त्रिय॑म् । सह॑स्वत् ॥ वै॒रूपे॑ । सा॒मन्त्रं॑ । इ॒ह । तत् । श॒के॒म् । जग॑त्या । ए॒नम् । वि॒क्षु  
 । एति॑ । वे॒श्या॒मः ॥ विश्वे॑ । दे॒वाः । स॒प्त॒द॒शेनेति॑ सप्त - द॒शेनं॑ ।

## TS 4.4.12.3

### TS 4.4.12.3

#### Samhita Paata

व॒र्च इ॒दं क्ष॒त्रं स॑ल्लि॒लवा॑तमु॒ग्रं ॥ ध॒त्रीं दि॒शां क्ष॒त्रमि॑दं दा॒धारो॑प॒स्थाऽऽशा॑नां मि॒त्रव॑द॒स्त्वो॒जः ।  
 मि॒त्रा॒वरु॑णा श॒रदा॑ऽह्ना॑ चि॒कित्नु॑ अ॒स्मै रा॒ष्ट्राय॑ म॒हि श॑र्म य॒च्छतं॑ ॥ वै॒रा॒जे सा॒मन्त्र॑धि॒ मे म॑नी॒षाऽनु॑ष्टु॒भा  
 संभृ॑तं वी॒र्यं॑ सहः॑ । इ॒दं क्ष॒त्रं मि॒त्रव॑दा॒र्द्रदा॑नु मि॒त्रा॒वरु॑णा र॒क्षत॑-माधि॒पत्यैः॑ ॥ स॒म्राट् दि॒शाः  
 सह॑सा॒म्नी सह॑स्व॒त्यु॒तुर॒हेम॑न्तो वि॒ष्टया॑ नः पि॒पर्तु॑ । अ॒व॒स्यु॒वा॒ता - [ ]

#### Pada Paata

व॒र्चः । इ॒दम् । क्ष॒त्रम् । स॑ल्लि॒लवा॑तमि॒ति स॑ल्लि॒ल - वा॒तम् । उ॒ग्रम् ॥ ध॒त्री । दि॒शाम् ।  
 क्ष॒त्रम् । इ॒दम् । दा॒धार॑ । उ॒प॒स्थे॒त्यु॒प - स्था॑ । आ॒शा॒नाम् । मि॒त्रव॑दि॒ति मि॒त्र - व॒त् । अ॒स्तु  
 । ओजः॑ ॥ मि॒त्रा॒वरु॑णेति॒ मि॒त्रा - व॒रु॒णा । श॒रदा॑ । अ॒ह्नाम् । चि॒कित्नु॑ इति॑ । अ॒स्मै । रा॒ष्ट्राय॑  
 । म॒हि । श॑र्म । य॒च्छ॒तम् ॥ वै॒रा॒जे । सा॒मन्त्रं॑ । अ॒धीति॑ । मे॒ । म॑नी॒षा । अ॒नु॒ष्टु॒भे॒त्य॑नु॒ -  
 स्तु॒भा । संभृ॑तमि॒ति सं - भृ॒तम् । वी॒र्य॑म् । सहः॑ ॥ इ॒दम् । क्ष॒त्रम् । मि॒त्रव॑दि॒ति मि॒त्र - व॒त्

। आ॒र्द्रदा॒न्वित्या॒र्द्र - दा॒नु । मि॒त्राव॑रु॒णेति॑ मि॒त्रा - व॑रु॒णा । रक्ष॑तम् । आधि॑पत्यैरित्याधि॑-प॒त्यैः  
॥ स॒म्राडि॑ति॒ सम् - राट् । दि॒शाम् । स॒हसा॒म्नीति॑ स॒ह - सा॒म्नी । स॒हस्व॑ती । ऋ॒तुः । हे॒मन्तः  
। वि॒ष्ठये॑ति॒ वि - स्थ॑या॒ । नः॒ । पि॒प॒र्तु ॥ अ॒व॒स्युवा॑ता॒ इत्य॑व॒स्यु - वा॒ताः ।

## TS 4.4.12.4

### TS 4.4.12.4

#### Samhita Paata

बृ॒ह॒ती॒र्तु श॑क्र॒रीरि॑मँ॒ य॒ज्ञम॑व॒न्तु नो॑ घृ॒ताची॑ः ॥ सु॒व॑र्वती सु॒दुघा॑ नः॒ प॒य॑स्वती दि॒शां दे॒व्य॑व॒तु नो॑ घृ॒ताची॑  
। त्वं गो॒पाः पु॑र॒एतो॑त प॒श्चाद् बृ॑ह॒स्पते॑ या॒म्याँ यु॒ङ्गि॒ध॒ वाच॑ ॥ ऊ॒र्द्धा दि॒शां र॑न्ति॒राशौष॑धीनां  
सँव॒त्स॒रेण॑ स॒वि॒ता नो॑ अ॒ह्नाँ । रे॒व॒त् सा॒मा॒ति॒च्छ॒न्दा उ॒ छ॒न्दोऽजा॑त श॒त्रुः स्यो॒ना नो॑ अ॒स्तु ॥  
स्तो॒म॒त्रय॑स्त्रि॒ंशो भु॑व॒नस्य॑ प॒त्नि वि॑व॒स्व॒द्वाते॑ अ॒भि नो॑ - [ ]

#### Pada Paata

बृ॒ह॒तीः । नु । श॑क्र॒रीः । इ॒मम् । य॒ज्ञम् । अ॒व॒न्तु । नः॒ । घृ॒ताची॑ः । सु॒व॑र्वतीति सु॒वः -  
व॒ती । सु॒दुघे॑ति॒ सु - दु॒घाँ । नः॒ । प॒य॑स्वती । दि॒शाम् । दे॒वी । अ॒व॒तु । नः॒ । घृ॒ताची॑ ॥  
त्वम् । गो॒पा इति॑ गो - पाः । पु॒र ए॒तेति॑ पु॒रः - ए॒ता । उ॒त । प॒श्चात् । बृ॑ह॒स्पते॑ । या॒म्याँम्  
। यु॒ङ्गि॒ध॒ । वाच॑म् ॥ ऊ॒र्द्धा । दि॒शाम् । र॑न्तिः । आ॒शाँ । ओष॑धीनाम् । सँव॒त्स॒रेणेति॑  
सं॒व॒त्स॒रेण॑ । स॒वि॒ता । नः॒ । अ॒ह्नाँम् ॥ रे॒व॒त् । सा॒म । अ॒ति॒च्छ॒न्दा इत्या॑ति॒ - छ॒न्दाः ।  
उ॒ । छ॒न्दः । अ॒जा॑तश॒त्रुरि॑त्यजा॑त - श॒त्रुः । स्यो॒ना । नः॒ । अ॒स्तु ॥ स्तो॒म॒त्रय॑स्त्रि॒ंश इति॑

स्तोमं - त्रयस्त्रिंशो । भुवनस्य । पत्नि । विवस्वद्वात इति विवस्वत् - वाते । अभीति । नः ।

## TS 4.4.12.5

TS 4.4.12.5

Samhita Paata

गृणाहि । घृतवती सवितराधिपत्यैः पर्यस्वती रन्तिराशा नो अस्तु ॥ ध्रुवा दिशां विष्णुपत्न्यघोराऽस्येशाना सहसो या मनोता । बृहस्पतिं मातरिश्वोत वायुः सन्धुवाना वाता अभि नो गृणन्तु ॥ विष्टभंॐ दिवो धरुणः पृथिव्या अस्येशाना जगतो विष्णुपत्नी । विश्वव्यचा इषयन्ती सुभूतिः शिवा नो अस्त्वदितिरुपस्थे ॥ वैश्वानरो न ऊत्या > 3, पृष्ठो दिव्य > 4, नु नो ( ) ऽद्यानुमति > 5, रन्विदनुमते त्वं > 6, कया नश्चित्र आभुवत् > 7, को अद्य युङ्क्ते > 8 ॥

Pada Paata

गृणाहि ॥ घृतवतीति घृत - वती । सवितः । आधिपत्यैरित्याधि-पत्यैः । पर्यस्वती । रन्तिः । आशा । नः । अस्तु ॥ ध्रुवा । दिशाम् । विष्णुपत्नीति विष्णु - पत्नी । अघोरा । अस्य । ईशाना । सहसः । या । मनोता ॥ बृहस्पतिः । मातरिश्वा । उत । वायुः । सन्धुवाना इति सम् - धुवानाः । वाता । अभीति । नः । गृणन्तु ॥ विष्टभं इति वि-स्तभः । दिवः । धरुणः । पृथिव्याः । अस्य । ईशाना । जगतः । विष्णुपत्नीति विष्णु - पत्नी ॥ विश्वव्यचा इति विश्व - व्यचाः । इषयन्ती । सुभूतिरिति सु-भूतिः । शिवा । नः । अस्तु । अदितिः । उपस्थ इत्युप - स्थे ॥ वैश्वानरः । नः । ऊत्या । पृष्ठः । दिवि । अन्विति । नः ( ) ।

अ॒द्य । अ॒नु॒म॒ति॒रि॒त्य॒नु॒ - म॒तिः । अ॒न्वि॒ति॒ । इ॒त् । अ॒नु॒म॒त् इ॒त्य॒नु॒ - म॒ते । त्व॒म् । क॒या॑ ।  
नः॒ । चि॒त्रः । ए॒ति॑ । भु॒व॒त् । कः । अ॒द्य । यु॒क्ते॑ ॥